



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Pars Prima de vita Christiana, ejusque fine, & officiis.

urn:nbn:de:hbz:466:1-10805

P R I N C I P I A,
E T
D O C U M E N T A
VITÆ CHRISTIANÆ.
P A R S I.

De Vita Christiana, ejusque fine, & officiis.

§. I.

De tribus generibus Christianorum.

Cum omnem Christianorum multitudem in Catholic Ecclesia viventem, eorumque mores & instituta veluti è specula prospicio, tria quasi eorum genera mihi videor comprehendisse. Unum est eorum, qui Christi doctrinam, & exempla in spiritu & veritate sectantes se re & nomine Christianos esse perpetuam & exactissimam Evangelicæ perfectionis exercitatione ostendunt: Deo enim servientes, & in lege ejus die ac nocte meditantes carnem suam cum desideriis, & concupiscentiis crucifigunt, nullis aduersitatibus vicii, nullis prosperitatibus depravati. In hoc autem genere nonnulli eminent, quorum virtutes ultra humanam conditionem asturgunt. Servant siquidem continentiam usque ad tenuissimum victum & perpetuum jejunium: puritatem custodiunt usque ad cuiuscumque etiam licita delectationis contemptum: patientiam exercent usque ad crues & flamas: seipso abnegant usque ad omnimodam abjectionem, & odium sui: divitias spernunt usque ad patrimonia distributa pauperibus: Deum diligunt usque ad supremum gradum, qui in hac vita haberi potest: omnes demique virtutes in gradu heroico possident, ita ut mirentur cæteri, qui eos vident, & fateantur imbecillitatem suam, quia ad tantam perfectionem pervenire non possunt. Sed horum numerus ad paucissimos redigitur, & vulgo ignotos, qui sibi, ac mundo mortui, & crucifixi viri degunt absconditam cum Christo in Deo.

Alterum illos complectitur, qui orthodoxæ fidei professione contenti his rebus dumtaxat, quæ foris apparent, Christiani hominis officia contineri arbitrantur; timentes quidem Deum, sed & idolis suis servientes. Ad Sacraenta frequenter accedunt, sed tantâ animi remissione & socordia, ut ex frequentia nihil proficiant; à gravioribus peccatis abstineret satagunt, leviora negligunt: exteriores Religionis actus non omitunt; sed terrenis affectibus immersi, sibiique semper & propriis comodis addicti, quid sit vita interior, quid perfectio Christiana, quid ascensus mentis in Deum, quid abnegatio rerumque omnium abdicatio, sine qua neminem posse suum esse discipulum toties Christus docuit, aut prorsus ignorant, aut discere nolunt: & si quis eis sanctioris vitæ documenta proponat, illa ad Monachos, & ad Anachoretas ablegant stulto & lachrimabili errore decepti.

Tertium genus illos omnes comprehendit, qui ideo Christiani dicuntur, quia à Christianis parentibus orti, & aquâ baptismatis regeneratione inter Christianos commorantur: moribus autem deteriores sunt infidelibus, improbi, sceleribus pleni, abominabiles, quorum immensa multitudo est.

§. II..

Tertium genus Christianorum describitur.

Hi sunt qui ore Deum fatentur, factis negant: corpus enim suum ejusque commoda nimis amantes, & seculi legibus pertinaciter adhaerentes contra Evangelicam veritatem ita se obdulant, ut se esse Christianos penè erubescant. Fovent

Fovent quotidē peccata sua, & flagitiis in consuetudinem versis etiam verecundiam perdididerunt. Nihil sapiente nisi terram, bonaque & mala solius corporis voluptate perpendunt, & sic omnes vitae suae actus disponunt, ut veluti bruta animalia corporis sensibus obsequantur. Maximum bonum judicant opes, quas si bonis artibus nequeunt, malis asequi student. Nihil illis turpe, nihil indignum, dummodo pecunias afflant & dignitibus, quibus ad injuriam Creatoris sacrificè abutuntur; & quod olim de quibusdam Cræcis dictum legimus, & dicunt qualis semper victuri, vivunt quasi alterā die morituri. Hæc autem faciunt, quia verbis domini non credunt, & humanae conditionis oblii longam sibi annorum seriem pollicentur. Quiuscum in rebus transiuntibus, quæ rursum ab aliis occupandæ sunt, nihil solliciti de permanentibus, quia de Æternitate non cogitant. Torquet illos ambitio, dissolvit libido, inflat superbia, lacerat invidia, agitant cupiditates, & iustitiae fastidio laborantes sic Dei mandata averterantur, ut ferè etiam execrentur. Clamat Christus beatos esse pauperes, beatos qui lugent, qui persecutionem patiuntur: isti ex adverso beatos illos dicunt, qui divitiis ad satietatem abundant, qui super alios dignitate eminent, quos omnes venerantur. Edixit ille suum Discipulum esse non posse, qui non renuntiat omnibus quæ possidet: isti, quæ habent, cum amore retinent, cum dolore amittunt; imo & aliena concupiscunt, & si nemo prohibeat, cum injuria rapere parati sunt. Aliqui etiam Ecclesiæ addicti, qui solum Christum partem suam esse professi sunt, sive promissionis immenses nummos non cessant nummis addere, possidentes sæpenumero sub Christo paupere quæ sub locuplete mundo non habebant. Præceptum Domini est, ut diligamus inimicos nostros, atque his, qui nos oderunt beneficia rependamus: isti & odio habent, & contumeliæ afficiunt, & si factis nequeunt, saltem animo offendunt. Juber ille: ut auferenti tunicam dimittamus & pallium; ut dexteram maxillam percutiunt finistram prebeamus: quis est qui obremperet? inò quis est qui hoc sive mandatum, sive consilium non contemnat, non irrideat? Percurrat qui voluerit Christi Evangelium, ejusque sectatores recenset, paucissimos reperiens, qui ad ejus præscriptum vivant, qui ipsum quâ par est æstimatione, & veneratione prosequantur. Sed nec legere, nec audire dignantur, & iniquas mundi fabulationes, atque insanias falsas Verbo Dei

anteponunt, vel ex hoc ostendentes se ad illos pertinere, qui Verba Dei non audiunt, quia ex Deo non sunt. Cum sit igitur hominis Christiani Deo fideliter credere, ejus consiliis obsequi, ejus parere mandatis; sit absque dubio, ut qui hæc spernit & conculcat, Christianus non sit: fides enim sine operibus mortua est, nec quidquam prodest magni nominis prærogativa, si mores illi & officia non consentiantur. Inter Christianum & infidelem non sola fides discrimen ponere, sed vita etiam & mores debent, ut vera Religio à falsa operibus distinguatur. Qualis enim fides illorum esse potest, qui sic Deo credunt, ut ejus mandata contemnant? Similes dæmoni isti sunt, qui credit, & contremiscit: atque utinam deteriores non essent, nam dæmon credulitatem habet & timorem: hi fidem jactant, timorem non habent.

§. III.

Peccatum originale causam esse omnium malorum.

Causam hujus pravitatis nemo potest ignorare, cui nota sit pri ni hominis prævaricatio. Amissa enim iustitiæ originali in tot mala incidunt virtutæ naturæ massa damnata, ut eorum multitudine omnem vincat eloquentiam. Hinc vita traducitur plena laboris, & doloris, plena viuiss., & iniquitatibus, suoque pondere proclivis ad malum. Hinc horrenda illa profunditas ignorantiae, quæ mentem nostram tenebroſam quâdam caligine involvit: hinc cœca & indomita concupiscentia, que animam deprimit, & affigit humili. Hinc avercio à Deo, & amor rerum pereuntium, atque ex hoc mordaces curæ, infana gaudia, lites, discordiæ, rixæ, hærefes, sacrilegia, infandæ libidines, ac totius ferè humani generis æterna damnatio. Illa siquidem fuit impiaæ rebellionis justissima pena, ut qui propriæ voluntate in superbiam elatus Deum deseruit, ab eo desertus sit; & qui libero arbitrio bene uti noluit, cum posset: jam ipso ad bonum uti, & Deum diligere sicut oportet, aut credere in Deum, aut operari propter Deum, aut quæ recta sunt, cogitare nequeat, nisi gratia & misericordia divina ipsum exciteret, & præveniat. Homo igitur sibi relictus amoris sui pondere ad se ipsum convertitur, sibique soli incubans, in se tamquam in centro & equiescit. Atque utinam omnes Christiani

fiani hanc veritatem benè perciperent, nam si se captivos esse sub lege peccati, & ad omne bonum ineptos agnoscerent, ab eo utique auxilium continuâ & ferventi oratione peterent, qui operatur in nobis & velle, & perficere; & à quo omne lumen, & robur, & omnis sufficientia nostra procedit. Sed jacent plerique in profundo sepulci, & miserando errore delusi suam exortatam, suosque languores amant, & se sanos existimant, quia ne cuncti se ægrotare.

§. IV.

Occasio, & scopus hujus Libelli.

Hæc cum saepius mente revolverem, vitæ que transactæ perditos dies in amaritudine animæ meæ recognitarem, duplex me cura invalidit, quarum una præteritum tempus, altera futurum respiciens, de utroque anxium & solicitorum reddidit. Nam si dies anteactos simul adesse jubeo, & serium de iis examen instituo, horrori mili sunt tota Divinae legis prævaricationes, & toties violata Fides, quæ Christo in Baptismate nomen dedi, abrenuntians Sathanæ, cunctisque operibus, & pompis ejus: pudetque me gratia Dei infidelem fuisse. Si vero mentis obtutum in ea figo, quæ ventura sunt, Dei tremenda judicia, expavesco, & venias ac salutis incertus totis artibus contremisco. In his igitur angustiis constitutus, statui, Deo opitulante, mihi ipsi primum, tum aliis, quos eadem calamitas premis, efficaciter succurrere, & remedia præscribere, quæ semper in promptu sunt, ut imbecillitas memoriæ afflida lectiōne reparetur, viamque perfectionis arripere cupientibus prolixæ inquisitionis labor abſit. Nam quia omnis disquisitio veritatis fit ex quibusdam principiis, quæ à Philosophis Axiomata, à Medicis Aphorismi dicuntur, quibus præcipuarum rerum compendium ac veluti medulla continetur; propositum mihi est in hoc Libello, quidquid de Vita sancte instituenda in sacra primum Scriptura, tum in Codicibus sanctorum Patrum, & piorum Scriptorum diffusæ legitur, ad certa quadam, & magis necessaria Vitæ Christianæ Principia restringere, quæ brevia sint & concisa, & paucis multa comprehendant. Porro hoc unum est necessarium, à quo summa rerum vitæque beatæ to-

cti ratio depender, scire quid sit Christianæ vite. Quid enim prodest homini, si mundum universum lucetur, anime vero sue detrimentum patitur? Aut quam dabit homo commutationem pro anima sua? (Matth. 16. 26.) Quid vero perverſus magisque insanum aut dici, aut fingi potest, quam Christiani nomine gloriani, visamque prorsus alienam à Christi doctrina, & exemplis instituere? Vanum est nomen, cui vita non congruit.

§. V.

Cur Vitæ Christianæ documenta multi discunt, pauci exequuntur.

Hæc autem Præcepta facile possunt omnes legere, discere, & meditari; sed quod valde dolendum est, eorum germanam vim, & notionem pauci assequuntur. Facile omnes agnoscimus iter ad Cœlum parandum esse abnegatione, jejuniis, vigiliis, carnis castigatione, multaque tribulationibus, sed in actionibus nostris aliter sentire videmur. Facile dicimus, oportere Christianum calumnias, persecutions, tormenta, & ipsam mortem liberenter pati; sed cum haec mala proxima sunt, cum vita periculum imminent, tunc caligo mentem obumbrat, & quod antea dilucidum videbatur, incredibili obscuritate circumfusum appetat. Hunc fatus, cum à nemine vilipendimur: patientes, cum nihil molestia occurrit. Documentis Vitæ Christianæ assentimur, quando nos non attingunt: cum vero ad nos pertinent, tunc irrepunt terrematum cupiditatum illecebros, mentemque confundunt; & ea in molliorem sensum, nobisque commodiorem interpretamur. Latet enim veritas caligine oboluta, eamque oderunt homines ob infitam illi austrietatem, quam natura nostra peccato vitiatæ pati non potest; & quia virtutibus amaritudo, vitiis voluptas admixta est, illa offendit, hæc deliniti præcipiti cursu in vita riunt, & posthabitæ veritate mendacium amplectuntur. Quod si aliquando Præceptores audirent, qui ipsam veritatem proferant, ac veluti oculis exponant, quamvis agnoscant se in tenebris, & umbra mortis ambulare, & aliquo modo ad lucem aspirare incipient, in suas nihilominis tenebras relapsi oculos claudunt, ne oblatum lumen aspiciant, similes dormientibus, qui

G exper-

exergisci conantur, sed alto sopore demersi, protinus in somnum remerguntur. Nemo igitur mirari debet, si multa proponimus, nihil exequimur; tūm quia difficultates, quae in bonis actionibus solent occurrere, non prævidemus, illisque apparentibus retrocedimus, tūm quia magis in propriis viribus, quām in Dei adiutorio confidimus, & idēo ingruente tentatione deficimus, ut discamus non nostræ virtutis esse, sed Divinæ misericordiæ, quod vincimus: tūm quia denique multam speculationi, parum affectui incumbimus, & leges bene vivendi in doctrina potius, quām in conscientia habere volumus, scientiam Divinam studiose inquirentes, non ut mores habeamus quos illa instituit; sed ut ad hominum laudes per ejus ostentationem perveniamus. Inanis autem labor est sapientiam discere, & insipiente vivere.

§. V I.

*Regulas Evangelicae perfectionis non solis
Religiosis, sed omnibus Christianis
traditas esse.*

Quia plurimi sunt, qui tradita à Christo Christianæ perfectionis documenta nec discere, nec servare volentes, ne illa temere abjecisse videantur, ad illos dumtaxat speficare afferunt, qui claustris inclusi à seculi curis alieni sunt; ostendam evidenter quam sit inanis & falsa eorum persuasio, ut hoc errore sublato veritas patefacta clarescat. Verissimum quidem est, dupli citrū Christianorum vitam distingui, mundano, & religioso; uterque tamen, diverso licet tramite, ad cundem terminum tendit: & quod attinet ad proximam virtutum, ad mundi contemptum, ad paupertatem spiritus, ad amorem Crucis, par utrinque conditio est, hoc solo intercedente discrimine, quod Religiosi solemnium votorum ac regularum vinculis diviniti, striciori jure quam mundani ad perfectionem tenentur, in reliquis una & eadem vita ratio ab utrisque requiritur, unum & idem Evangelium omnibus prædicatum est. Cumque Deus nihil præcipiat nisi Charitatem, nihil prohibeat nisi cupiditatem, nulla in his differentia, nulla exceptio personarum reperitur. Præcepit Salvator noster, ne quis verbum otiosum loquatur, rationem de illo redditurus in die judicii, ne quis irascatur, ne quis concupiscat,

nec ullam videmus positam esse distinctionem inter Monachos, & conjugatos. Simili modo cum dixit beatos esse qui lugent, infelices qui rident: cum docuit, nos oportere semper orare, omnibus renuntiare, vitam odisse, nos ipsos abnegare, injurias patienter ferre, intrare per angustam portam, nullum certe hominum genus exclusit. Paulus item Apostolus, cum omnibus Christianis etiam conjugatis filiosque nutrientibus scriberet, nonne ab illic omnem exigit vita Monastica disciplinam habentes, inquit, *alimenta, & quibus tegamur his contenti simus* (1. Tim. 6:8.) Quid amplius ab Anachoretis requireret? Petrus quoque & Jacobus Apostoli, nonnè ad omnes Christi filios scriberebant, cum eos hortabantur, ut essent sancti, integri, perfecti, in nullo defici- entes, (1. Petr. 1: 15. Iac. 1: 4.) Christus denique cum dixit, *Estote perfecti, sicut & Pater vester coelestis perfectus est* (Matth. 5: 48.) sermonem habuit ad omnes in se credentes, quibus altissimum Sanctitatis scopum præfixit, ut omnes qui per adoptionem Filii Dei nominamur, & sumus, Patris Perfectionem æmulemur. Magna itaque cunctis Christianis sanctitatis necessitas indicta est, ne à paterna hæreditate tanquam degeneres excludantur.

§. V I I.

Hujus Libelli utilitas, & exhortatio ad perfectionem.

I Ded contemptis omnibus, quæ bona mortales putant, huic soli curæ incumbendum est, ut per Christi vestigia ad Evangelicae perfectionis culmen properemus. Ad hoc referuntur quecumque in hoc Libello collecta sunt, ut superatis sensuum præstigiis, & veritate comprehensâ, quasi in Regionem originis nostræ revertamur, de vitiis triumphaturi, & in perpetuum regnaturi. Filii hujus saeculi persuadere conantur perfectionem rem difficillimam esse, nec posse in hoc mundo inveniri, ut segnis effectus homo querere non audeat, quod se consequi posse desperet. Sed volenti nihil difficile, & quidquid arduum est, gratia Dei facile redit. Tanta est autem pulchritudo justitiae, tanta jucunditas æternæ lucis, tantus splendor incomparabilis veritatis, ut si unius tan-



tum diei morâ in ea manera liceret, innumera-biles hujus vitæ anni pleni delitii, & omni af-fluentia temporalium bonorum, meritò contem-nentur. Scriptum est enim, *Quia melior est dies una in atriis tuis super millia* (*Psal. 83.*) Ne-mo autem mirari debet, si quæ aliquando in hoc traðatu repetita occurrent; connexa sunt enim virtutum documenta, & hæc est vis veri-tatis, ut quo propius ad ipsam accedimus, eo frequentius in eamdem incurramus. Si quæ ve-rò aspera & difficilia, si quæ graviora, & hu-manæ fragilitatis vires excedentia videantur, meminisse juvabit regnum cœlorum vim pati, nec esse condignas passiones hujus temporis, quamvis unus omnes sustineat, ad futuram Glo-riam, quæ revelabitur in nobis. Brevis labor est, merces æterna.

§. VIII.

Quam necessaria sit Christiano ultimi finis confideratio.

Nec verbis exprimi, nec mente concepi-potest, quanta sit inter Christianos ultimi finis ignorantia. Si nulla esset æternitas, si nihil post hanc vitam sperandum aut timendum foret, numquid aliter viveremus? Paucissimi sunt, qui serio considerent, hoc unum sibi & gravissimum negotium in hac vita peragendum esse, ad quod omnia dirigere, cui totis viribus in-cumbe oportet, ut quisque scilicet finem suum con sequatur, qui propter se appetitur, & non refertur ad aliud, de quo Philippus Apostolus loquebatur cum dixit, *Ostende nobis Patrem, & suffici nos* (*Ioan. 14: 8.*) Finis enim, qui est Deus, ejusque clara visio sufficit nobis, quia ejus non erit finis. Cætera nugae, & vanitates sunt, & afflictio spiritus. Docet nos corporis figuratio ad quid natu simus. Erecto enim vul-tu creavit nos Deus, ut cœlum aspiciamus, unde origo nostra, ubi patria est. Plerique tamen pecundum more in terram proni nihil querunt, nihil sapiunt nisi terram; ac veluti lethargo op-pressi vix ad magnos clamores, atque etiam ad-moto igne, caput attollunt. Tum paucis ver-bis imperfecte prolati rursum obdormiunt, & verba salutis nec audire volunt, nec auditæ per-cipiunt. Verbum Domini est, *Quærite pri-mum regnum Dei, & justitiam ejus, & hæc omnia adipisci vobis* (*Matth. 6: 33.*) Nos

autem de regno Dei nihil solliciti, pecuniam pri-mum querimus; & seculi dignitates atque vo-luptates: & huic soli curæ intenti sumus. Ille docuit nos, unum esse necessarium (*Luc. 10: 42.*) nos in multa distrahimur, quæ nihil aliud sunt, quam impedimenta salutis. Ait ille, ut eadem hominibus faciamus, quæ nobis volu-mus ab illis fieri (*Matth. 7: 12.*) nos ex adverso ea facimus aliis, quæ nolumus ab illis pati. Ille dixit, *Nolite judicare* (*Matth. 7: 1.*) nos alio-rum severissimi judices. In fratrum oculis festu-cas arguimus, trabes in nostris non videntes. Præcipit ille, ut ipsum toto corde, & super omnia diligamus (*Ibid. 22: 37.*) nos opes, & voluptates plusquam ipsum amamus præferen-tes ei quidquid naturæ depravatae errores fo-vet, quidquid blanditur concupiscentiæ. Ina-nis igitur est, quod ad nos attinet, prædicatio crucis, inutilis incarnatio Verbi, inefficax vir-tus Sacramentorum, quandoquidem ita vivi-mus, ac si nullam Dei & ultimi finis notitiam haberemus. Cumque vita cujusque animalis in operatione sibi congrua consistat, nostra autem propria operatio fit cognitio, & amor Dei, quidquid operamur huic fini conveniens, salu-tare est; quidquid extra illum, inutile & va-num: quidquid contra illum, perniciosum.

§. IX.

Cum omnes velint esse beati, cur non omnes beati sint.

Omnia qui ratione utiuntur certa senten-tia est, velle homines beatos esse. De ipso autem beatitudine multæ, & magna contro-verbia excitatae sunt, in quibus Philosophi studia-sa & otia contriverunt, ut discent, quæ sit vita beata, cuius appetitio Christianis, & infidelibus, sapientibus & insipientibus communis est. Sed in quo vera beatitudo consistat, scilicet Christiani norunt, qui fide credunt fontem to-tius felicitatis, & finem omnium appetitionum Deum esse, qui est summum bonum & finis ultimus, quem super omnia amare debemus, ut in ejus fructione quietescamus. Satis autem deplorari non potest innumerabilium Christianorum cœ-cca perversitas, qui cum beatitudinem vehe-men-ter exoptent, nihil tamen agunt, quo il-lam adipisci valeant: ita enim deluditur eorum

G 2 mens,

mens, falsa quādam felicitatis imagine, ut praesentium suavitate illecti nihil appetant, quod sensum excedat. Ideo beati esse volunt, nec possunt; quia actiones suas ad finem ultimum dirigere nolunt, ex quo fit, ut miseris sint, non quod velint miseris esse, sed quoniam ea volunt, ex quibus inevitabilis miseria sequitur, ipsis etiam invitit. Sicut in circulo quantumvis amplio unum est medium, quod centrum vocant, ad quod omnes lineæ vergunt, & quamvis circuli ambitus in partes innumerabiles secari queat, nihil tamen verè est præter illud unum, quod quasi quoniam aequalitatis jure omnibus dominatur: ita animis unum Deum semper querere, & ad illum tendere debet, à quo si recedit, multitudine obruitur, quæ ipsum unum invenire non sinit. Hoc unum à nobis exigit Deus, quia hoc solum necessarium est. Cætera omnia si desint, nihil necessarium deest, quandoquidem nec quod vivamus necessarium est. Quod si vita necessaria non est, multò minus que ad illam spectant. Qui autem vivit necessitate officii, uni Deo vivere & servire debet. Ita enim in hoc mundo constituta est rationalis creatura, ut si convertatur ad bonum incommutabile, fiat beata, si ab eo avertatur, misera sit.

§. X.

Omnia ad Deum referenda esse purâ intentione.

Cum omnes in hoc mundo peregrini simus, & viatores, qui ad patriam pergimus, necessarium nobis est indesinenter progredi, ac scio disquirere quò tendamus, quo fine, & quâ intentione operemur, & ad quid præsentibus studiis spectemus. Homo enim operatur propter finem, & quò purior est operantis intentio, eo perfectius est opus. Bonum opus intentio facit, intentionem dirigit fides. Impiorum, & reproborum est illa vox, Ergo fruatur bonis quæ sunt (Sap. 2:6.) nam Deo frui, creaturis uti debemus. Ita omnes quidem creaturæ, quantum est ex parte Dei, semitæ sunt, & modi, quibus ad ipsum perducimur: malitia vero nostrâ impedimenta sunt, quibus ab eodem avertimur, & à scopo abducimur: quoniam, ut ait Sapiens, *Creaturæ Dei in odium factæ sunt, & in tentationem animatus hominum, & in*

muscipulam pedibus insipientum (Sap. 14: 11.) Insipientium, inquit, qui Deum ducem non sequuntur, qui ab ejus lumine mentis oculos avertunt, & decus creaturarum amantes in umbra, & obscuritate perambulant, eō languidores ad preferendam Dei lucem effecti, quod magis umbræ inhærent. Quod si omnes creaturæ ad hoc conditæ sunt, ut iis utamur ad finem ultimum consequendum, avellenda ab illis affectio est, & ad Deum transferenda, qui finis est. Etenim finis appeti, & amari debet sine fine, & termino, quia ejus bonitas summa est & independens, illa verò, quæ ad finem perducunt, eatenus amantur, quatenus ad ipsum finem consequendum juvant, à quo eorum bonitas pendet. Christiani igitur hominis est, quidquid cogitat, quidquid loquitur, quidquid agit, ad Deum referre, non ore dumtaxat, aut minus fervidâ spiritus applicatione, sed toto animi conatu, & affectu à rebus terrenis prorsus avulso: nam sæpè decipimur specie recti, & relabimur in nos ipsos, nostra potius commoda, in ipsis etiam spiritualibus exercitationibus, quam Deum querentes. Ideo Scriptura dicit arctam & difficultem esse viam Salutis, quia natura corrupta Divinis rationibus ac puræ intentioni repugnat, & ad se omnia refert: cùm autem haec repugnantia afflido usu, & delectatio Divinæ legis superata fuerit, lata fit via, lævia mandata, jugum suave.

§. XI.

Unde proveniat quod plerique à fine aberrant.

Ræclarè & ex alta sua sapientia mortalium Sapientissimus dixit, *Stultorum infensus est numerus, (Ecel. 1: 15.) Maxima enim, ac penè infinita hominum turba, intolerabili ac perpetuis lacrymis deplorandâ infantria transfigit in nugis dies suos, carnem spiritui, tempus æternitati, terrena Divinis præponens; donec miserabilis vitæ actio in horribilem mortis tragodiam desinit, & in pumeto ad inferna descendent. Si de lite vincenda, de acquirenda possessione, aut de consequenda dignitate sermone sit; nulli parcitur labori, exhaustis ærariis, evolvuntur libri, præsca monumenta excutiuntur. At cùm agitur de Coelesti regno, de sempiterna beatitudine adipiscenda, dormiunt omnes,*

omnes, nemo excitatur, nulla diligentia, nulla cura adhibetur. Pro his quæ corpus afficiunt & laedunt, cuiusmodi sunt fames, sitis, frigus, aestus, dolores, infirmitates, sensa habemus infallibilia, ex quibus fit, ut omne studium nostrum, omnisque industria in his evitandis continuo occupetur. Ad animæ autem famem, frigus, ægritudinem, & alia mala, omni prorsus sensu caremus, ac si pars hominis nobilior & excellentior, quæ vivimus, quæ ratiocinamur, quæ similes Angelis sumus, aut omnino non esset. Vincit nimurum, & prævalet pars animalis, & hæc fragilis vita plū diligitur, quam sempiterna, nec in alio omnis nostra solicitude attentiū occupatur, quam ut homo brevi moriturus aliquanto serius moriatur. Provenit hoc, primum ex crassa & supina ignorantia, sive potius ex inadvertentia, necluent enim plerique, aut non considerant, ad quid conditus sit homo, quem sibi debeat in omni parte vite suæ scopum præfigere, & quæ viā ad illum possit pertingere, sicut scriptum est, *Desolatione desolata est omnis terra, quia nullus est qui recognoscit corde* (*Ierem. 12: 11.*) Provenit ex multitudine, & saevitia hostium in nos irruentium, quorum laqueos nemo potest evadere, nisi à Domino exercituum conterantur. Cingunt enim nos, & obstant caro fragilis, mundus blandiens, & agmina dæmonum infidianum. Provenit ex defectu luminis, cuius in mundo profundâ nocte sepulto maxima inopia est, nec illud in oratione ab eo exquirimus, qui solus potest discussis tenebris mentem nostram illuminare. Provenit tandem ex segnitie, & inconstancia, quia virtus in desiderio est, & non in opere: & cum ad praxim veniendum est, difficultate territi recedimus. Et omnes quidem ad Christum pervenire vellet, sed post illum ire nemo vult: eo frui vellet, sed non imitari: ipsum aequi desiderant, sed non sequi. Vellent lucrum sine labore, coronam sine certamine. Placent præmia, displicet lucta.

§. X I I.

Decipitur specie recti.

OMNIS mundi felicitas, & quidquid vulgaris amat ac plurimi estimat, instar picturæ est, quam si quis ad falsum & exiguum lumen præsentis temporis, quasi ad lumen lucernæ intucatur, speciem aliquam pulchritudinis

habere videtur, quæ allicit, & trahit ad se: sed si ad lucem æternitatis, quasi ad radios fulgentissimi Solis introspiciat, clarissime perspiciet nihil aliud esse, quam deformem & vix adurbatam imaginem, & incompositam linearum confusione. Obscura nimurum est oculis mundi lux Evangelii, quæ in tenebris lucet, sed tenebrae eam non comprehendunt. Hæc sola nos illuminat, ut, quid intersit inter bonum, & malum, inter verum, & apparen, discernere, & pretiosum à vili separare valeamus. Per hanc veritatem cognoscimus, quæ permanet in æternum, quæ habitat in interiori homine, instruens nos non hærere in pulchritudine creaturarum; sed earum nitorem ita percurrere, ut ad rerum omnium Conditorem per amorem recurramus. Hæc docet nos soli Deo adhærere, omnemque fiduciam in ipso ponere, non in principiis, non in amicis, nec etiam in fratribus, quia, cum singuli propria principia, & fines habeant, proprioque commodo studeant, tamdiu nobiscum erunt, quamdiu nos utiles credent ad proprios fines consequendos: cum vero ex nobis nullum emolumen sperabunt, procul à nobis recedent. Cavendum igitur, ne species decipiatur, ne solatum & felicitatem queramus in creaturis quæ non sunt, nec premium habent nisi ab errore vulgi, & ab ignorantia, & cœcitate nostra, relictio Deo bonorum omnium fonte, qui solus verè est, & extra quem nec quies, nec pax reperitur. Infelicissimus homo est, qui ab eo recedit, qui summus est.

§. X I I I.

Humanæ vitæ cursus, & perversitas.

HOC circulo humanæ vitæ cursus irrequiescat, vertigine perficitur, & circumvolvit, Edunt homines, bibunt, dormiunt, rursumque surgunt, ut iterum gulæ & somno indulgeant. Opes congregant, & non est finis acquisitionis eorum. Jucundè vivere volunt, tardius mori. Inter baptismum, & extremum halitum congeries quædam & confusio intercedit Sacrarum, & profanarum actionum, Sacramentorum, & criminum, Confessionum & relapsi. Nulla dies sine labe transfigitur, omnęque pallium in incertum currunt ad soe illa sui finis consideratione. Et omnes quidem currunt, sed

sed pauci omnino sunt, qui perveniant ad metam. Non enim considerant, qualis in Cœlo gloria parata sit illis, qui triumphato seculo Christi fidem, & legem custodiunt. Fecit Deus mundum, & in eo creavit hominem ad imaginem & similitudinem suam, tribuens illi intellectum, ut Factorem agnosceret; voluntatem, ut diligenter, memoriam, ut memor esset mandatorum ipsius ad faciendum ea; sensus ad serviendum ei; linguam ad enarrandas & decantandas laudes ejus. Universa autem, quæ in mundo sunt, propter hominem condidit, eique cuncta subiecit, ut ipse Creatori subiectus rebus omnibus ad salutem suam & ad Dei gloriam uteretur. Sed voluptatum illecebris depravati mortales ad infima deprimuntur, Deique donis tam interioribus quam exterioribus, scientiis, divitiis, honoribus, ipsaque valetudine, & vita non nisi ad commoda corporis, & ad injuriam Creatoris utuntur: quibus si recte uterentur, ornamen- tum animi forent, vita præsentis subsidia, & ad finem ultimum consequendum aptissima instrumenta. Tanta est hominis perversitas & malitia, ut in sui perniciem convertat, quæ si bì à Deo tradita sunt ad perpetuam Beatitudinem comparandam.

§. X I V.

Via recta ad finem est, ut quisque suam Crucem ferat.

DEbet omnis homo, ut finem suum citius consequatur, vitam suam dirigere secundum rationes æternas, & per viam statui suo convenientem ad propositam sibi metam proponere. Sed non omnes hoc servant, plurimi enim stulto errore delusi viam sibi ad finem proprio arbitrio præscribunt, illam deserentes, quam Divina prouidentia unicuique destinavit. Sicut Princeps militia Regis Syriæ nomine Naaman, quamvis optaret à lepra sanari, remedium tamen facillimum ab Elizzo præscriptum recusabat, illud præferens, quod ipse sibi finxerat, solo Prophete tactu se sanandum putans; jamque iratus lepram suam secum ferens recedebat; nec unquam curatus fuisset, nisi postmodum servi fidelis admonitione sapientior factus, indicatum à sancto viro remedium adhibuisset. Ita plerique propriam sibi semitam sternunt, quæ perveniant ad haem, multa deponentes à proprio sta-

tu & instituto aliena; quibus exequendis vel facultas deest, vel occasio, vel obstant, quæ prætermitti nequeunt, quotidianæ occupationes. Ex quo fit, ut semper in desideriis sint, & nihil unquam, quod ad finem obtainendum proficit, perentur. Via autem brevis & expedita illa est, quam Christus ostendit dicens, ut, qui vult ipsum sequi, accipiat & ferat crucem suam: suam inquit, non alienam: à Deo acceptam, non à se inventam: non quæ temere usurpetur, & vires excedat; sed quam parvæ Divina sapientia, quæ simul ferendi vires subministrat. Cavendum igitur primò, ne mens aberret à fine, quem qui nescit, illa quoque ignorat, quæ ad ipsum perdunt. Tum cognito fine, quoniam diversæ occurruunt semitæ ad ipsum pergere volentibus, illa præferenda & eligenda, quæ proprio statui conveniat, ut quisque videlicet crucem suam ferat, sicut Dominus præcepit. Porro crux singulorum hæc est, officio suo exactissimè fungi, adversitates quotidie occurrentes patienter ferre, & ad perfectionem sui statu nullâ prætermissa occasione se ipsum erudire. In omni loco & statu Christianam perfectionem consequi licet, & pervenire quæ tendimus, si in invocatione sua quisque permaneat.

§. X V.

Conditiones ultimi finis, & cur ab illo plerique aberrent.

ULTI finis duæ sunt conditiones, quod sit bonum perfectum, & quod sit per se sufficiens, ita ut vitam prorsus tranquillam, nullaque exteriori bono indigentem reddat, atque omnem motum terminer naturalis desiderii, etiam si solùm possideatur. Quicumque enim indiget, illud, quo indiget, adipisci desiderat: qui autem aliquid desiderat, non quietescit, donec illud consequatur. Hæc vero conditiones in solo Deo reperiuntur, qui summum & perfectissimum bonum est, & solus potest omne desiderium nostrum explere. Satiabor, inquit Propheta, eum apparuerit gloria tua. (Psal. 16: 15.) Verumtamen humani generis vitium execrabile est, ut summum bonum illud esse definiat, quod præ cæteris ita diligit, ut ab eo amoveri non possit, quamvis proprie conscientia judicio id malum esse non ignoret. Tanta vis est perversi animi, ut nec alieno, nec pro-



proprio iudicio acquiescat. Ideo plurimi sunt, qui aut veri finis ignorantia, vel perversæ voluntatis vitio, falsa potius bona quam vera secentis, à summo bono aberrant, nec ipsum unquam sequuntur. Hi semper miseri, & detestabiles rerum ordinem turbant, atque confundunt, à Deo averfi, & creaturis tamquam uni adhærentes: sub sensibus esse delicias computant, tenebras amant, quibus involvuntur, corpus mortis quod gestant, laqueos inter quos ambulant, locum afflictionis quem inhabitant, nec horibilem Judicis sententiam adversus sui finis desertores pertimescant. *Ambulant*, sicut ait Apostolus, *in vanitate sensus sui, tenebris obscuratum habentes intellectum, alieni à vita Dei per ignorantiam, que est in illis, propter cæcitatem cordis ipsorum; qui desperantes semetipos tradiderunt impudicitæ, in operationem immunditia omnis, in avaritiam* (Ephes. 4: 17.) *estimant lusum esse vitam nostram, & oportere undecumque etiam ex malo acquirere* (Sap. 15: 12.) fitque saepius Divino iudicio, ut, dum nequiter vivunt, illud demum perdant, quod salubriter credunt, similes insipientibus, qui dicunt in corde suo, *Non est Deus* (Ps. 13.) Fontem hujus perversitatis jam suprà indicavi, nec unquam satis commemorabitur, etiamsi millies repetatur. Peccavit Adam, & non solum justitiam quam accepit, sed scientiam quoque boni perdidit, totamque propaginem in se tanquam in radice vitavit. Hæc autem corruptio immenso pondere hominem gravat, magnoque impetu inclinat, & urget ad carnis voluptates, ad effrenam sensuum licentiam, ad exercendam super alios potestatem, ad sui rerumque suarum estimationem, ad otium, & fugam laboris. His accedit in intellectu obscuritas, ignorantia, falsa rerum apprehensio, incerta judicia, errores, mendacia, & a seris cogitationibus averfio: in voluntate infirmitas, veri boni neglectus, & languor, atque inertia ad resistendum pravis motibus, appetitus rebus caducis semper astixi. Idcirco de viro iniquo scriptum est: *Non est Deus in conspectu eius, inquinata sunt viæ illius in omni tempore* (Ps. 9.) Ignorato autem Deo, cui debent cuncta servire, vera etiam virtutes ignorantur, quæ finibus non officiis, à vitis discernuntur. Anima vero ab hac diabolica captivitate & à miserrima servitute peccati per gratiam Iesu Christi Salvatoris nostri liberata, Deo firmiter adhaeret, in quo omnia reperit quæ ab hominibus desiderari possunt, summaque pa-

ce, & tranquillitate in ipso quiescit, nihil querens, nihil optans extra ipsum: nimis enim avarus est, cui Deus non sufficit.

§. XVI.

Alia assignatur causa ob quam multi ultimum finem non sequuntur.

Cum rationi consonum sit, idque omnes facentur, futura praesentibus, Divina terrenis, perpetua brevibus anteponenda esse; satis intellectu difficile est, cur plerique mortaliū, qui corde hoc credunt, & ore predican, factis tamen negent: in actibus quippe & negotiis carnalis vitæ occupati, augere redditus, agros colere, pecuniam undecumque congregare, dignitates consequi totis viribus stundit; in reliquis sic verè se habent, ac si sensu & intelligentia carerent. Si de Deo, de Vita æterna, de Christiana perfectione sermo habeatur, vel quæ dicuntur non percipiunt, vel statim obliviscuntur, quia res caducæ & temporales, quæ sensibus subjectæ sunt, mentes eorum magis percellunt, & licet interdum quotidiana experientia urgente videant, & probent, humana omnia fugacia esse, ac tenui filo pendentia; protinus tamen sensibus cedunt, ad ea redentes, quibus dudum assueti sunt. Hujus autem infelicitatis causam potissimum esse diximus primi Parentis prævaricationem, ex qua velut rivuli ex fonte ignorantia, inopia lucis, tentationes, & inconstantia emanarunt. Nunc vero alia occurrit sedulo consideranda imbecillitas; scilicet spiritus nostri non percipientis, quæ sunt Spiritus Dei, & res etiam terribiles languide, & confusè concipientis. Peccati foeditas, mortis amaritudo, tremendum Dei Judicium, æternum gehennæ incendium leviter apprehendi solent, ut sunt quedam verba in auribus sonantia, quæ vim nullam habent salutares motus excitandi. Illam videlicet eamque minimam partem propositæ rei apprehendimus, quæ sensum percellit, reliqua non attendentes, quæ mentem excitare & afficere queunt. Sic in peccato ea dumtaxat prospicimus, quæ temporaria sunt, multoque magis displicet nobis propriæ dignitatis, & existimationis diminutio apud homines, quam Dei offensa, & reatus interminabilis penæ. Sic hominis morientis sola symptomata consideramus, quæ foris apparent, ea omitentes, quæ ipsi morti connexa sunt, & ad animam spe-

Gant,

stant, Judicium, & gehennam, quia à sensibus remota sunt, ita percipimus, ac si ad nos nullo modo pertinerent. Rerum autem, quæ sensibus jucunda & grata sunt, solam superficiem, quæ placent, intuemur, & deplorabili amentiâ nos felices arbitramur, dum illis momento fruimur, futuri in æternum in felicissimi. Animam esse immortalē nemo ignorat, multique Philosophi doctissima nobis de ejus immortalitate Commentaria reliquerunt, sed de futuro statu animæ suæ post mortem nemo recognitat, nemo solicitus est, ac si cum corpore interiret. Plerique enim nec ex fide, nec ex ratione vivunt, sciantes temerè quæ sensus appetunt, & ea fugientes, que illis molesta sunt, ac si in hac vita nihil aliud agendum sit, nihil in altera timendum.

§. X V I I.

Filiū Dei sumus, & ejus Spīritū vivendum nobis est.

SI quis hoc animo percipere posset, ac jugiter meditaretur se filium Dei esse, pretioso Christi Sanguine redemptum, & in spem Vitæ æternæ regeneratum, hanc solam nobilitatem in pretio haberet, nihilque terrenum sapiens, sola aeterna ac Divina mente revolveret, & ad Patrem semper aspirans sic vitam instituire satageret, ut talem filium de cet. Sicut in theatro, qui Regis personam agit, tametsi actio illa inanis sit, & ad vanam otiosâ plebis delectationem inventa; serio tamen curat, ne quid agat, aut dicat, quod Regis dignitatem dedebeat: quanto magis Christiani, qui mortem Domini annuntiant, donec veniat, totis viribus erit debet, ne quid Christo indignum in verbis & operibus suis appareat? Quemadmodum Pictor, ut præclarum opus efficiat, nunquam ab exemplari, quod sibi imitandum proposuit, oculos & mentem avertit: ita Christianus in omni actione, & sermone perfectissimam Christi vitam, & mores tanquam prototypon numeris omnibus absolutum sibi ante oculus ponere, & sic operari, sic loqui, sic vivere debet, ut nunquam ab ejus exemplis declinet. Qui enim dicit se in Christo manere, debet, sicut ille ambulavit, & ipse ambulare. Spiritus, qui dominatur in nobis, spiritus Adæ est, per quem redacti in servitatem diaboli nobis ipsis,

propriisque commodis firmiter adhæremus. Quia vero natura filii iræ sumus, si ipsam natum sequimur, omnia opera nostra ex voluntate satanae, qui nos durissimâ servitute premit, perficiuntur. Ab hac autem captivitate Christi Sanguine liberati, ex gratia principiis operari debemus, ejusque corpori inhærente, cuius membra facili sumus. Adam primus homo de terra terrenus fuit; Christus secundus homo de celo colestis. Igitur sicut portavimus imaginem terreni, portavimus & imaginem celestis (1. Cor. 15: 47.) sollicitè carentes, ne, qui Christiani dicimur, tantum nominis dignitatem pravitate nostrâ perdamus. Si quis spiritum Christi non habet, inquit Apostolus, hic non est ejus (Rom. 8: 9.) Ille autem spiritum Christi habere dicitur, cuius vita interior, & exterior vita Christi similis est, qui ad ejus exemplar mores suos componere, atque ita loqui, & operari studet, sicut locutus, & operatus est Christus. Idemlibi monet, ne ambulet homo secundum hominem, ac si diceret, noli ambulare secundum hominem: sed secundum eum, qui fecit hominem: noli deficere ab eo, qui fecit te, ut spiritu ejus imbutus, filius Dei efficiaris. Filius autem Dei esse non potest, qui à spiritu Christi alienus est.

§. X V I I I.

Justus ex fide vivit.

QUOD radix arbori, quod fundamentum adficio, quod rivulis fons, id vitæ Christianæ, & terisque virtutibus est fides, sine qua impossibile est placere Deo. Ideo ab illa Christiana institutionis exordium sumendum est, dicitemus Scriptura, Iesus ex fide vivit (Rom. 1. 17.) Quæ de sapientia, ejusque laudibus, & excellentia magnificis verbis in sacris Libris scripta sunt, (Sap. 7. Iob 28.) ad fidem pertinere, & res ipsa docet, & omnium sapientum consensus evincit. Omne aurum in comparatione illius arena est exigua, & tanquam lumen assimilatur argentiun in conspectu illius. Infinitus thesaurus est, quo qui usi sunt, particeps facti sunt amicitia Dei. Emanatio est claritatis omnipotentis Dei, candor lucis aeternæ, speculum sine macula maiestatis Dei, & imago bonitatis illius. Hæc docet nos, omnem veritatem ostendens animæ quid sectari, quid diligere, quid fugere debeat. Docet nos bona hujus mundi mala esse.

mala esse, & mala bona, si patienter tolerentur. Docet contemni oportere quidquid corporeis oculis cernitur, quidquid sensus attingit. Ab illa discimus Deum, & nos ipsos cognoscere, in qua notitia salus, & perfectio nostra consistit. Ipsas ab erroribus infaneæ multitudinis e-reptos verâ nos Sapientiâ imbuit, & in auram veræ libertatis à seculi captivitate educit. Discrepant toto celo mundi hujus, & fidei principia: cumque Christus, à quo fidem accepimus, falli non possit, hinc evidenti conclusione deducitur, oportere nos ex fide vivere, ejusque principia sequi, falsam verò, & perniciosa mundi doctrinam detestari. Advertendum tamen & solerter considerandum est, nullam in nobis veniam esse, nullam facultatem, quæ non impellat ad principia fidei destruenda, & evertenda. Summum hominis studium, summa cura hæc est, in hoc seculo commodè vivere, de æternitate altum silentium, nulla cogitatio. Ad hoc maximum malum infelices mortales adigit spiritus Adæ & concupiscentia, quæ regnat in mortali corpore. Qua de causa gemunt omnes electi Dœi dicentes, Non quod vobis bonum hoc facio, sed quod nolo malum hoc ago. Infelix ego homo quis me liberabit de corpore mortis bujus (Rom. 7.) Respondebat autem Apostolus, Gratia Dei per Iesum-Christum. Gratia enim liberat nos à cœcitate, & ab infirmitate, ut videamus quæ recta sunt, & ad ea peragenda roboremur.

§. XIX.

Fundamentum vite Christianæ abnegatio sui, rerumque omnium abdicatione.

Magna fidei potentia est, quæ cum sit immobile, immutabilis, inconcussa: similem sibi Christianum efficit, qui ex nuda & simplici fide vivit, & operatur. Nihil enim videt, nihil optat nisi Deum, & in eo placidissimâ tranquillitate quiescit, quia ipse solus lux ejus & dulcedo est, & omnium rerum plenitudo. Nullam autem in hoc mundo delectationem habet, nec in filiis hominum sperat, in quibus non est salus: nam cum omnia, quæ sub celo sunt, fluxa, & caduca sint, qui ipsis innititur, cum ipsis pariter labitur; qui verò nimirum immobili, non movetur. Sicut Beati omnia

vident in Verbo, sic nos debemus in fide omnia intueri, ita ut vita nostra nihil aliud sit, quam viva imago fidei: ejusque veritatis expressio: nec in ulla regloriemur, nisi in cruce Domini nostri Iesu-Christi, quæ ab allelis mundi ignominia judicatur. Primus homo in statu innocentiae finem ultimum consequi poterat innoxio & legitimo usu delitiarum, quas illi Deus paraverat in paradiſo voluptatis. Postquam vero deseruit Creatorem, totumque genus humanum, antequam gigneret, peccato iniecit, aliam ad consequendum finem Divina Sapientia viam adinvenit, viam scilicet crucis & abjectionis, per quam Christus incelsit, & quam omnibus indixit, prædicans abnegationem, rerumque omnium abdicationem, Si quis vult, inquit, post me venire, abneget semetipsum, tollat crucem suam quotidie, & sequatur me. (Luc. 9: 23.) Item, qui non odit patrem suum, & matrem, & uxorm, & filios, & fratres, & sorores, adhuc autem & animam suam, non potest meus esse discipulus. Et qui non renuntiat omnibus quæ possidet, non potest meus esse discipulus (Luc. 14: 26. 33.) Hoc est fundamentum vite Christianæ, hæc supereminens Scientia Christi, dura & contraria Spiritui hujus mundi. Hæc summa vite beatitudo, hæc altissima Philosophia, terræ sapientibus ignota, scire, & sequi Christum, & hunc crucifixum; seipsum odisse, & quidquid mundus amat, ac magni aestimat, divitias, honores, voluptates, & vice versa amare quæ ille odit, paupertatem, dolores, sui contemptum, aerumnas, tribulationes. Magna autem gratia est necessaria, ut hoc principium recte intelligatur; major ut delectet; maxima, ut operibus comprobetur.

§. XX.

Insania hominum, qui sponte damnari volunt.

Cum æterna supplicia illis dumtaxat destinata sint, qui ad illa damnari volunt, sibique locum in iis præparant sponte peccando; æterna quoque gaudia omnibus volentibus parata sint: quis non crederet vacuum esse infernum, cœlique regnum plenissimum, & infinita multitudine refertum? Quis enim sibi persuaderepoterit reperiiri hominem tantè dementem, qui velit

H

velit in perpetuum miser esse , cum facile possit æterna beatitudine frui ; è contrario tamen paucissimi sunt , qui regnū coelorum consequantur . Damnatorum verò tanta est turba , ut illorum comparatione , electorum numerum exiguum esse Scriptura nos doceat ; dicente Christo , cum de his loquitur , *Nolite timere pusillus grec* (*Lue. 12. vers. 32.*) Quæ est igitur tanta hominum insania , ut potius miseri in æternum , quam felices esse velint ? Quis in ardentissima siti labris poculum admoveret , si vel levissimam suspicionem haberet admixti veneni ; & tamen passim committuntur peccata , quibus luendis æternum ignem succensum esse non suspicio , non opinio , sed fides certissima est . Tam horribilis dementia causam verae fidei defectui plerique adscribunt , quod licet in multis verisimilium esse certa experientia constet ; hoc tamen in plurimis defectui attentionis , & considerationis tribuendum videtur . Quamvis enim credant infernum esse , neminemque damnari , nisi in hac vita volens , & clubens locum sibi in tormentis peccando præparet , hujus tamen veritatis statim obliviscuntur , siquidem fantasia bono sensibili asfixa , sensuumque voluptate obbrutescens , omnem aditum claudit futurorum considerationi , nec finit intellectum advertere , in quam horrendam perpetuè duraturam amaritudinem carnis delectationes definant , & quam facile nobis sit in hujus vita momento futuram calamitatem evadere , & gaudia sempiterna adipisci . Atque utinā hæc homines saperent & intelligerent , ac novissima providerent , nam cum proprium sit hominis cogitare , & meditari , ordo cogitationis est , ut in suo fine cognoscendo mens ante omnia occupetur . Omnem errorem , & ignorantiam superat , negligere hominem salutem suam .

§. X X I.

Character veri Christiani.

Homo Christianus est , qui Christi fidem & legem profitetur , ejusque vitam & virtutes imitatur . Hoc nimurum à nobis exigit Christianæ fidei professio , ut omnia terrena transcendentes vivamus vitâ divinâ . Apparuit (*Ad Titum 2. 11.*) inquit Apostolus , *gratia Dei Salvatoris nostri omnibus hominibus erudiens nos* , ut abnegantes impietatem , & secularia des-

teria , sobrietè , & justè , & piè vivamus in hoc seculo ; expectantes beatam spem , & adventum gloria magni Dei , & Salvatoris nostri Iesu Christi , qui dedit seme ipsum pro nobis , ut nos redimeret ab omni iniquitate , & mundaret sibi populum acceptabilem , sectatorem bonorum operum . Sicut doctor vocari nequit , qui literis prædictus non est , nec exercitum ducere potest , qui nescit arma tractare ; nec artificis nomen assumit , qui artis peritiam non habet : ita Christianus dici non potest , qui Christi sectator non est . Veri ergo Christiani sunt , qui abnegatis seculi desideriis Deum solum amant totis viribus , totâ virtute , ac proximum in Deo , & propter Deum , nihil in eo quærent nisi Deum , & nemini se præferentes , quia in generatione gratiæ omnes æquales sunt : qui sobriè , & justè viventes , ita in cunctis se gerunt , ut nihil in eis appareat , quod possit offendere intuentes : qui bonis exterioribus , sicut ægri pharmaco utuntur , nihil appetentes , quod ab alio possit auferri . Qui nemini placere appetunt , nemini timent displiceere , nisi Deo . Qui corpus suum oderunt tamquam corpus peccati , ipsumque jugiter castigant , ne infolescat . Qui firmam in omnibus constantiam servant , & universo mundo celiores , nullis minis , nullis persecutionibus , aut contumeliis terreni possunt , aut commoveri : qui tam in prosperis , quam in adversis cùdem fruuntur mentis serenitatem , nec unquam à lumine veritatis recedunt : qui desiderio futurorum damnant præsentia , & ex Fide , Spe , & Charitate viventes , credunt quod nondum vident , sperant quod nondum tenent , optant quod nondum possident : qui Deum ita amant , ut nullum pro illo labore , nullum periculum subterfugere parati sint , etiam si nullum pro ejus gloria certantibus præmium propositum esset : qui Divinæ misericordiæ , & propria conscientiæ fiduciâ regnum Dei expectantes , dicere posse sunt cum Apostolo , *Bonum certamen certavi , cursum consummavi , fidem servavi , de reliquo reposita est mihi corona iustitiae , quam reddet mihi Dominus in illa die iustus judex* (*2. Tim. 4: 7.*) Gaudent , cum digni sint pro nomine Iesu contumeliam pati , cumque diem se perdidisse credunt , in quo nihil pro Christo passi sunt . Eorum gloria , felicitas , sapientia in his consistit , quæ à mundo ignominia , miseria , & infan-
tia estimantur . Carnalis prudentiæ falsa principia detestantur , oportere nimirū divitiis asfluere , à nemine sperni , super omnes eminere : fidei

fidei verò veritates seellantur docentis opes contemnere , abnegare scipsum , & in nulla re gloriari , nisi in cruce Domini nostri Iesu Christi . Denique in omni vitæ ratione ita se gerunt , ac si omnis eorum sermo , & operatio clamarent , *Regnum meum non est de hoc mundo* (Joan. 18: 36) Alta quidem , & difficilia hæc sunt , sed regnum Dei vim patitur , idque omni conatu dignum est , quod non nisi à vim inferentibus possidetur .

§. XXII.

Quomodo debeat Christianus opera sua perficere.

Debet Christianus omnia opera sua in pace , & mansuetudine perficere , & ad omnes rei vel negotii circumstantias attendere , ad locum , ad tempus , ad personas , & præcipue ad finem . Cavebit autem à præcipiti celeritate , qua repentina potius naturæ imperu , quam ratione , & Divinae gratiæ motione ad agendum impellit . Cavebit ab inconstantia , & levitate animi ad diversa , & inutilia facilè evagantis , ut præsentior sibi sit , & aptior ad Dei illustrations recipiendas , quibus statim , & alacriter parabit . Quidquid sibi agendum erit , serio advertet , ne animo præoccupato aggrediatur , alioquin in rebus discernendis cœcietur , & multa illi exident , de quibus merito accusari poterit & reprehendi . Cujusque actionis initio opem , & lumen à Deo petet : tum sedulo examinabit , quam partem in illa habeat Deus , quam ipse sibi vindicet . In progressu animadvertiset , ne delectatio , & complacentia mentem alliciat , & à proposito fine amoveat : in fine cavebit ne sensim subrepens inanis gloria , quidquid bene peractum est , vitiæ & contaminet . Hoc autem præcipue fixum animo habebit , ne hominum laudes , sed Dei gloriam querat , & ad nihil suum respiciens elatas cogitationes in semine suffocabit . Nulli negotio externo se ingeret , nisi vocatus à Deo . Tunc verò prompto animo obediet optans anathema esse à Christo pro fratribus suis : hujus enim vita perfectionem non in Dei fruitione sitam esse seit , sed in ejus voluntate adimplendā . Nihil super vires aggreditur , rebusque gerendis affectum , & mentem non applicabit , ultra quam necessarium sit , ut inde nihil depereat libertatis , & pacis . Omnis com-

motio & effusio ad exteriora spiritum Dei extinguit , & animi serenitatem obnubilat . Sic ut Angelus Tobiae comes nullum officium prætermittebat hominis mercede conducti , semper tamen cum Deo erat : ita vir probus humanis quidem negotiis attendit , atque iis interdum , sicut & cæteri absorberi videtur , sed cor ejus cum Deo manet : & si corpore versatur in terris , mens tamen in coelis est , ubi meliori sui parte ab omni terra affectione liber commoratur .

§. XXIII.

Debet opera bona propriæ vocationi convenire.

Nihil interest inter negotia , ad quæ obeunda ratione proprii status , & conditionis quisque tenetur , & maximum negotium æternæ salutis ; nemo enim certius salutem suam operari potest , quâm si officio suo benè fungatur . Subtilissimum nostræ perfectioni laqueum tendit Satan ; cum desideria in nobis excitat magnarum rerum alio loco , & in alia vocatione agendarum : spiritum enim occupant , & mentem distrahabunt , ne rei attendat , quæ præ manibus habetur ; & quæ ad proprium munus pertinet . Maximopere hallucinatur , qui statu vitæ jam prudenter electo locum aptiorem Deo serviendi in alio vita generi sibi singit , & querit . In suo siquidem munere explendo segnis nihil agit ubi est , dum multa & magna molitus ubi non est . Cumque perfectio vitæ Christianæ à singularium actionum bonitate & rectitudine pendeat , ingenitem illi obicem ponunt , qui quotidianas exercitationes , quas proprii officii ratio ab illis exigit , negligenter , & oscitanter peragere conluerunt , quia nimis ubi non sunt , ibi animus eorum est . Horum vita continuum bene vivendi exordium est ; multa decernunt , nihil exequuntur ; frondibus abundant , fructibus carent ; quia ad instar arboris sœpius translatæ , nullo stabili loco radices figunt .

§. XXIV.

Quomodo Christianis vivendum sit.

Ita Christianis vivendum est , ut ab illecebris ventris , & gula , ab immodesto corporis cultu ,

H 2

ab

ab inanibus ludorum negotiis, à torpore pigritiae, ab honorum ambitu, à laudis cupiditate, ab amore pecuniae abstineant. Item omnino peliant, & alteri non faciant quod pati nolunt. Nihil remissè agant, nihil audacter, nihil fieri, aut per simulationem. Quocumque officium vita Christiana, quecumque exterior virtutis exercitatio, si careat interiori spiritu & veritate, nihil aliud est, quam hypocrisis & actio scena. Solent nonnunquam viri nefarii praelara sanctorum gesta in theatro representare. Hic Martyris constantiam, ille Virginis modestiam, aut Apostoli, vel Christi heroicos actus egregie simulant; sed actione peracta alienam personam deponunt, suamque turpem, & impurissimam suscipiunt. Simili modo, qui opera exteriora in solam speciem, & inanem ostentationem exercent, veluti histrio sunt, & scenici jaculatori, qui omni virtute & sanctimonia destituti, viri sancti personam in scena gerunt, quorum vita, & mores nihil aliud quam fabula sunt. Ideo pauci ad Christiana perfectionis fastigium pertingunt, quia opera sua in spiritu veritatis non perficiunt. Prævalent Christi exemplis, & præceptis falsa mundi axiomata, & communes virtutum notiones à natura insita perversis hominum opinionibus depravatae ad vitia detorquentur. Cum ergo inter homines falsis doctrinis imbutos vivamus, debet quisque in seipsum crebro inquirere, an & ipse ignoret quæ recta sunt, & an recte fungatur officio suo. Via veritatis una est, & immutabilis, per quam qui recto trahite cupit incedere, non terram intueri debet, sed cœlum; non homines sequi, sed Deum, qui Via, Veritas, & Vita est.

S. XXV.
Opera exteriora spiritu interiori animanda.

CAvendum, ne sensus in actionibus nostris primam sibi sedem usurpent, inde etenim omnia mala emergunt. Sensum occasus veritatis exortus est. Ideò vix possumus nobis ipsis polliceri aliquid nos egisse, quod omni ex parte bonum fuerit, quia licet gratia impellente, & cooperante, multa propter Deum operari cœperimus, non sumus gratie fideles, statimque labimur ad nos ipsos. Episcopo Sardis dictum est ab Angelo: Non invenerio opera tua plena corum Deo

meo (Apoc. 3: 2.) Nam preces, jejunia, elemosynæ, & alia ejusdem generis opera plena sunt coram hominibus, qui solam faciem vident, sed vacua coram Deo, qui intuetur cor, nisi pura & simplici intentione Divini beneplaciti perficiendi, & spiritui interiori impleantur. In Evangelio decem Virgines commemorantur, quarum quinque fatus exclusæ sunt à nuptiis, non defectu virginitatis, aut lampadarum sive operationum, sed quia defecit oleum bonæ intentionis, & sanctarum affectionum. Idem nobis eveniet, nisi opera nostra spiritu interiori, & Dei amore animentur, ut placeant Deo. Vita exterior apud omnes Christianos eadem est, sed sicut horologii extima facies ab interioribus rotis pendet, & ab intimâ corporis constitutione vividus color procedit: ita boni à malis ex interiori spiritu disceruntur. Regnum Dei intra nos est.

S. XXVI.

Operum perfectio undè oritur.

SIcut qui multum comedunt semper viribus imbecilles sunt, corpore male affecto, & ad extremam maciem redacto; quia nimis stomachi sui mensuram ignorantes, plus illi ingerunt, quam ferre possit: alii ex adverso frugali mensa contenti, quia cibum exiguum sumunt, & qui facilè digerunt, validis semper viribus sunt, & ad extremam senectutem incolument vitam producunt. Ita nonnulli, quamvis multa peragant opera bona, nihil ferè in via Christiana perfectionis proficiunt, quia videbilem præpostero cursu ambalantes, tunc se maximè progredi putant, cum plura, quamvis remissè & legniter operantur, cum potius eniti debeant, ut ea quæ agunt ferventius indies, & perfectius peragant; in hoc enim operandi modo perfectionis incrementum consistit, non in tepida operum congerie, & multiplicatione. Alii vero parum operantur, & in Amore Dei plurimum crescent, quia quæcumque faciant, etiæ minima, & pauca sint, majori semper servore, ac puriori intentione perficere student: atque ita se gerunt in omnibus operibus suis, ut in fine singulorum magnum illud verbum Christi in cruce pendens non immoriori usurpare queant. Consummatum est (Ioan. 19: 30.) Perfeci quod Deus à me

me in hoc opere exigebat, ferverter, & quantum imbecillitas mea cognovit, & potuit, sine imperfectione, quantum scilicet & velle & operari ille dedit mihi, qui dixit, *Sine me nihil potestis facere* (Ioan. 15: 5.) Eādem ratione sic quamlibet diem transfigunt, ut nocte adveniente possint fidenter dicere, *Consumatum est*. Sic denique vitam instituant, ut ejus cursu peracto, vere affirmare queant, se omnia consummasse, quæ Deus illis præcepérat. Qui sic vivit, Christianè vivit, nec timebit in die mala.

§. XXVII.

Præsentia Dei utilitas.

NULLUM præstantius documentum ad quælibet opera exactè perficienda, quam Deum in singulis rebus intimè præsentem intueri, qui eis motum & vitam, & esse largitur, & omnia in omnibus operatur. Hæc nobis necessitas indicta est, omnia opera nostra optimè peragendi; quia Dei obrutum intimos quoque recessus penetrantem effugere nunquam valimus. Ipse nos replet, in quo vivimus, movemur, & sumus; nec unquam nos deserit, nisi ab ipso aversi ad creaturas convertamur. Hæc autem sunt veteris Adæ corrupta semina, quæ in nobis vigent, prava scilicet affectio ad sensuum illecebras, quibus à Dei præfencia mens evocatur. Si enim ab amore creaturarum liberi essemus, Deum procul dubiò in omni loco præsentem cerneremus, quemadmodum Christus sp̄spondit dicens, *Beati mundo corde, quoniam ipsi Deum videbunt* (Matth. 5: 8.) Verè magna, & inexplicabilis est multitudo divinæ dulcedinis, quam Deus abscondit timentibus se; sed revera abscondita est, & illi soli eam percipiunt, qui vident, & gustant quam dulcis est Dominus. Neque enim satis est habere thesaurum, ut quis dives sit, sed sciére insuper debet, si illum possidere, ejusque pretium, & ulrum agnoscere. Nos autem in nobis thesaurum habemus immensum & inestimabilis pretii, summum, & infinitum bonum: cur ipsum negligimus, & post atomos apparentium bonorum currimus, quæ si in nostram expiri non possim? *Fili Æ hominum usquequo gravi corde?* Ut quid diligitis uitatem, & queritis mendacium (Psal. 4: 3.) cum Deo præidente omni momento frui possitis?

Divites sumus & nescimus. Beatorum spirituum felicitatem prægustare possumus, & non erramus: quia nimur parti inferiori, ac sensibus jugis Dei præsentia molesta, & gravis est, & vim, quam patiuntur, conantur excutere, & partem superiorē ad se trahere. Et quia Divina consolatio aliquando subrrahitur, ad terrenam protinus labimur, nisi per fidem Deum præsentem intueri, & cum eo in timo affectu miscere colloquia satagamus. Hoc documento ipsem̄t Deus patrem credentium Abrahamum ad perfectionem eruditivit dicens, *Ambula coram me, & esto perfectus* (Gen. 17: 1.) David quoque in psalmo ait, *Providebam Domum in conspectu meo semper, propter hoc latatum est cor meum* (Psal. 15: 8.) Jugi enim latititia fruitur, qui fontem omnium bonorum præsentem habet.

§. XXVIII.

Cur difficultis videatur Sanctorum imitatio.

AD exempla Sanctorum vitam, mores & actiones nostras componere difficillimum arbitramur, quia ipsis mente concipimus quasi homines alterius naturæ exutos corpore, cœlestis patriæ possessione beatos, ubi nemo irascitur, nemo concupiscit, nemo tentatur: ubi pax summa, latititia inenarrabilis, lux splendidissima, & status omnium bonorum aggregations perfectus. Sed si revera, ut par est, illorum cupimus sequi vestigia, aliter considerandi sunt. Homines enim mortales fuerunt similes nobis, eadem corporis sarcinâ onusti, eadem tabe carnis concupiscentiae infecti, iisdem malis & periculis obnoxii: & nihilominus quer fidem vicerunt regna, operati sunt justitiam, & fecerunt mirabilia in vita sua. *Hilios ut Jacobus Apostolus scribit* (Iac. 5: 17.) homo erat similis nobis passibilis, & oratione oravit, ut non plueret super terram, & non pluierat annos tres, et mensis sex: & rursus oravit, & celum dedit pluviam, & terra dedit fructum suum. Idem de aliis dici potest, quorum insignem sanctitatem, & heroica gesta miramus, nobis enim similes, & ex eodem luto compacti, atque iisdem temptationibus, dum in hac terra essent, expositi fuerunt; sed infinito propè intervallo a nobis disjuncti, in hoc dissimiles inventi sunt,

H. 3

quæd.

quod carnis fragilitatem , mundi superbiam , dæmonum infidias , invicta animi virtute superarunt . Quid igitur tergiuersamur ? Facile est volentibus eorum opera imitari , si exuto desiderio vetero non nostris viribus , sed ope divina confisi ad illud sanctitatis fastigium conemur ascendere , ad quod ipsi feliciter pervenerunt . Magna pars sanctitatis est , ejus efficax desiderium .

§. X X I X.

Omnia ad gloriam Dei referenda.

SEntentia Apostoli est , omnia opera ad Deum , ejusque gloriam referenda esse , ut veræ virtutis rationem consequantur . Sive , inquit , manducatis , sive bibitis , sive aliud quid faciatis , omnia in gloriam Dei facite (1 Cor. 10. 31.) & alio loco , omne quocumque faciatis in verbo , aut in opere , omnia in nomine Domini IESU CHRISTI gratias agentes Divo , & Patri per ipsum (Col. 3:17.) Quidquid enim boni à nobis sit , quod non sit propter Deum , & si officio videatur bonus , deficiente tamen recto fine , malum est : finibus enim , non officiis virtutes à vitiis discernuntur . Est autem officium id quod faciendum est . Quod si rebus creatis inhæremus , & ipsas propter se diligimus sine ulteriori relatione ad Deum , dannata cupiditas est , dicente Joanne Apostolo , Nolite diligere mundum , neque ea , que in mundo sunt (1. Ioan. 2: 15.) Ratio est , quia in hoc mundo tanquam peregrini sumus , & viatores , qui ad patriam pergimus ; creaturis autem uti debemus tanquam vehiculis , quibus recte itinere eò feramur , quo tendimus . Deus vero diligendus est propter se ipsum , quia summum bonum est , & finis ultimus , in quo solo requies appetitus , securitas fruitionis , & tranquillissimum gaudium invenitur . Hunc finem si quis ignorat , recte quoque vivendi rationem ignorat . Cognito autem rerum omnium fine , jam scimus quò dirigendae sunt actiones nostræ , & quo omnium virtutum officia referri debent . Hinc Theologi , licet unamini consensu assentant , quasdam actiones humanas nec bonas ex se , nec malas esse , quales sunt ambulare , comedere , dormire , docent tamen , eum peccare , qui re ipsa dormit , edit , ambulat , & hac non refert ad ultimum finem , quia deficit à priua & universalis regulâ humanarum

actionum , quæ est idem finis , ad quem quidquid agimus dirigere oportet . Et hoc est quod Dominus dixit : *Lucerna corporis tui est oculus tuus . Si oculus tuus fuerit simplex , totum corpus tuum lucidum erit . Si autem oculus tuus fuerit nequam , totum corpus tuum tenebrosum erit .* (Matth. 6: 22.) Oculus iste intentio est , quæ quisque peragat opus suum , quæ quidem intentio si non fuerit recta , totum opus tenebrosum erit . Non est autem recta operantis intentio , nisi quidquid agit ad summum bonum veluti ad fontem refundat . Omne bonum defusum est & quidquid ab illo deflectit malum est .

§. X X X.

Radix omnium malorum est amor sui.

Postquam primus hominum parens se ipsum immoderat amans in grande illad peccatum lapsus est , per quod totum genus humanum morti , ignorantiae , & concupiscentiae obnoxium generatur , & nascitur , tantâ caligine natura nostra repleta est , tantoque pondere ad terram allisa , ut Deo relicto in se ipsum deflexerit , & amissio sensu spiritualis jucunditatis ad sensuum voluptates effusa sit . Hinc dira tyrannis orta est , quam pessimus virtutem omnium hoffis amor sui in omnes exercet , cuius imperio obsequentes nihil in nostris operationibus querimus , nisi commoda , honores , & delitias . Legi enim Dei caro non est subjecta , neque enim potest (Rom. 8: 7.) sicut ait Apostolus , omnes siquidem ejus instinctus , & motus ad peccatum impellunt , & in horribili damnationis statu nos constitunt . Nihil vero commodis nostris magis adversatur , quam proprius amor , qui ad ea querenda tanto nos ardore impellit . Cum enim Deus omnia referri ad se tanquam ad ultimum finem præceperit , qui se in omnibus , & suam utilitatem relipicit , nihil certè ex operibus suis refert , quod sibi utile sit ad vitam æternam promerendam , ergo , ut ibidem infert Doctor gentium , *Debitores sumus non carni , ut secundum carnem vivamus . Si enim secundum carnem vixeritis , moriemini : si autem spiritu facta carnis mortificaveritis , vivetis .* Ad hoc urget nos Christiana religio , ut , sicut exhibemus membra nostra servire immunditiae , & iniquitati ad iniquitatem , ita ipsa exhibemus servire justitiæ in sanctificationem



ficationem. *Sancti Ierit,* dicit Dominus, *quia ego sanctus sum* (*Levit. 11: 45.*) Amor sui & propensio ad propria commoda impedit intellectum, ne principia & documenta Christianæ vita percipiatur. *Quis enim poterit amanti se ipsum persuadere omnia, quæ diligit mundus, vana esse, & nullius momenti: honores & dignitates nihil aliud esse, quam splendidam servitutem, & afflictionem spiritus: viri fortis & magnanimi esse, ignorare inimicis, & his qui oderunt nos benefacere: satius esse, divitias spernere quam habere: gloriostius esse propter Deum subesse, quam dominari: laudabilius vincere se ipsum, & coercere appetitum, quam munitissimas arcas expugnare?* *hæc sane dura videntur, & incredibilia diligenti se ipsum,* quia immoderato sui amore quasi vinculis & catenis inextricabilibus terra affixus solis terrenis commodis, ac delectationibus alligatur. Filii autem Dei spiritu Dei aguntur, ut non secundum carnem, sed secundum spiritum vivant. *Quod si quædam opera carnis faciunt, ex quibus expediri in hac mortalitate non possunt, ad ea se duci non sinunt ex proprio sui amore, sed ex principio supernaturali, prava desideria continua carnis maceratione coercentes.* Ajunt sui amatores, discretionem in his, quæ ad corpus spectant, necessariam esse: sed illa optanda, & adhibenda, quæ de cœlo est; nam prudentia carnis mors est.

§. XXXI.

Amor sui Babylonem edificavit.

Constituit Deus hominem in paradyso, sed ab Adamo, in quo omnes peccavimus, à paradyso in hunc mundum, à Jerosolymis in Babylonem, à patria in exilium, à libertate in servitutem, ab integritate in corruptionem, à vita in mortem translati sumus. Sic collapsi à veritate in vanitatem, non solum similes evasimus vaniti, sed ut ait psalmus: *Universa vanitas omnis homo vivens* (*Psal. 38. 6.*) Vanus est enim secundum corpus, quod in corruptionem & in mortem definit; vanus secundum animam, quæ serviens iniquitati se ream mortis æternæ facit: vanus quo ad exteriora, quæ pereunt, & in morte relinquenda sunt. Hanc tamen vanitatem ardenti amore prosequimur, hæc mendacia solicite quaerimus, quæ infinitis erroribus nos implicat, & ex civibus supernæ Hierusalem cives efficiunt dia-

bolice Babylonis. Has duas civitates duo amores fecerunt: nam civitatem Dei Hierusalem fecit amor Dei usque ad contemptum sui; Sathanæ vero civitatem, quæ Babylon dicitur, fecit amor sui usque ad contemnum Dei. Iter ad hanc spatiosum est, & breve, iter ad illam arctum, arduum, & longum: facilius enim est in terram labi, & in infernum descendere, quam ad cœlum elevari. Se ipsum igitur quisque discutiat, & videat quid amerit, nam si Deum amat, & se ipsum spernit, caelestis Hierusalem civis est: si autem se impensis amat, ad Babylonem spectat, & qua nobis exeundum esse clamat Scriptura dicens, *Egredimini de Babylonie* (*Isai. 48: 20.*) & alio loco, *Recedite de medio Babylonis* (*Ierem. 50: 8.*) Psalmista quoque ait, *Filie Babylonis miseræ, beatus qui tenbit, & allides parvulos tuos ad petram* (*Psal. 136: 8.*) Tunc autem eximus de Babylonie, cum à confusione vitiorum recessimus: tu ne parvulos Babylonis, malas scilicet cupiditates, ad petram allidimus, cuna Christi amore noxia desideria excidimus, & superamus. Amor sui mors animæ est, amor Dei vita: non ergo se amat, qui se amando vitam perdit.

§. XXXII.

Omnes seipso querunt etiam in rebus sanctis.

Hoc certè mirabile est, quod cum tanta divisione hominum, humanarumque proportionum sit; omnes tamen unanimiter in hoc conveniunt, quod nemo sibi vilis est, nemo alteri cedere aut subjici vult, nec quicquam est adeo abjecta conditionis, qui non putet se aliquid esse, & apud alios in pretio haberi non desideret. Omnes cupiunt super alios eminere, omnes ignorant sibi, alii numquam: opiniones suas pertinaciter omnes sustinent, res suas admirantur; proprias tantum adinventiones, & placita probant, aliena rejiciunt: ignorantiam suam instar sapientiae ostentant, & cum nihil sciant, nihil se ignorare arbitrantur. Virtus quæ habent, tegunt, & justitiam simulant quam non habent, frustra reclamante conscientiâ. Sed multò mirabilius est, quod ipsi etiam viri probi, qui nihil aliud querere videntur quam Divinum beneplacitum, ejusque gloriam, & honorem, occulto tamen, & aliquando vix perceptibili corrupræ natu-

naturæ instinctu in se ipsos diffundunt, operantes quod bonum, & iustum est, non ut placeant Deo, sed ut ea mentis jucunditate fruantur, quæ ex bonis operibus emanat. Quem laqueum viris spiritualibus eò subtilius amor sui tendere solet, quò res sanctior, & melior est. Quid tam sanctum quam Dei mandatis obediens, Scripturas legerè, in Ecclesia prædicare, frequentare Sacra menta, & ad altare Domini ministrare? Hæc autem cupiditas laudis inquinare solet, & nisi cor suum omni diligentia custodierit homo, omnis labor ejus irritus est. *Si linguis hominum loquar, & Angelorum, inquit Apostolus, (1. Cor. 13: 1.) charitatem autem non habeam, factus sum & elut æs sonans, aut cimbalam tinniens.* Et si quis distribuerit in cibos pauperum omnes facultates suas, & tradiderit corpus suum ita ut ardeat, nisi hoc purè fiat ob amorem Dei, nihil prodest. Simili modo Aggeus Propheta ait, (*Agg. 1: 6.*) *Comadijatis, & non esitis satiati: bibitis, & non esitis inebriati: & qui mercedes congregavit, misericordias in sacculum perfruimus,* quia nimis nihil prouert opera bona, cum quis seipsum in illis quaerit, & non Deum. Cum igitur natura semper & ubique seipsum quaerentis fraudes, & dolis subtilissimi sint, omnes animi recessus perserutari, & sollicitè cavere debemus, ne in principio, medio, & fine actionum nostrarum, aliqua ratio se immisceat proprii emolumenti, quantumvis sancta, & honesta videatur. Vitæ Christianæ disciplina hæc est, non querere, nec amare nisi quod Dei est, & odisse quod proprium est.

§. XXXIII.

Quæ scire debeat omnis Christianus.

SCIRE débet omnis Christianus, quæ sint præcepta Divina, & humana, ad quæ servanda quisque tenetur. Divina sunt illa, quæ in Decalogo continentur, itemque præcepta Fidei, Spei, & Charitatis. Fides obligat omnes ad ea credenda, quæ singulis fidelibus in Symbolo proposta sunt. Spe vitam æternam, & quæ ad eam obtainendam sunt necessaria, nos consequi posse confidimus Dei GRATIA, & nostra coöperatione; quæ omnia à Deo petimus, cum Dominicam Orationem recitamus. Charitatis lege obstringimur Deum diligere super omnia, & proximum sicut nos ipsos. His virtutibus perfici-

citur homo: nam fides mentem illuminat, & dirigit, Spes voluntatem ad Deum erigit, Charitas nos Deo unit. Est etiam præter prædicta præceptum sumendi Baptismum, & Eucharistiam, ac confitendi peccata, licet de his nihil Ecclesia præciperet. Nisi enim quis renatus fuerit ex aqua, & Spiritu sancto, non intrabit in regnum Dei: (*Ioan. 3: 5.*) & nisi manducaverimus Carnem Christi, & biberimus ejus Sanguinem, non habebimus vitam in nobis. (*Ioan. 6: 54.*) Pénitentia autem à Deo illis parata est, qui Baptismalem innocentiam supervenientibus culpis perdidérunt. Sunt denique humanae leges ab Ecclesiastica, vel seculari potestate sanctæ, quas nosse opertet, ut illis, quæ par est humilitate pareamus. Verum ad haec præstanta nemo idoneus est: nisi ab eius mente ignorantiae tenebras lux vera discuerit; sicut scriptum est, *Beatus homo, quem tu crudieris Domine, & de lege tua docueris eum* (*Psal. 93: 12.*) Homo enim post peccatum fedit in tenebris, & in umbra mortis, bonumque vel malum non ex regula veritatis, sed ex sua cupiditate metitur. Divinum igitur auxilium implorandum est; ut qui iussit quod vult, det nobis quod jubet, dispellens caliginem, & sanans languorem; expellens cupiditatem, & infundens charitatem, quoniam finis præcepti est Charitas; & qui verè Deum amat, omnibus mandatis ejus sine exceptione obsequitur.

§. XXXIV.

Interioris, & exterioris hominis differentia.

NON de hoc tempore, non de hoc mundo Spes nostra est; neque ad præsentis vitæ bona, neque ad eam felicitatem, quam plerique mortalium sectantur, conditi sumus, sed ad æternam, quam Deus promisit, & homo nondum capit; sicut scriptum est, *Quod oculus non vidit, nec auris audivit, nec in cor hominis ascendit, quæ præparavit Deus iis, qui diligunt illum* (*1. Cor. 2: 9.*) Cum igitur ad gloriam sempiternam ab origine mundi nobis paratam, destinati sumus, error gravissimus est, non æternis sed humanis rationibus in nostris operationibus duci, vitamque instituere non gratiæ Divinæ instinetu, sed ex principiis naturæ. Felices sunt qui

inti-

intima penetrant, qui cum Deo intus morantur, & nulla affectione foris tenentur. Hi sunt homines interiores, qui ad arcana Dei percipienda disponunt se, & eum in se loquenter audiunt. Qui verò rebus exterioribus moventur, qui libenter rumores audiunt, qui theatra avidè spectant, licet honestas fatigant vanitatis suæ causas prætexere, divisi sunt, interiores non sunt, sibi adhærent, non Deo; delicias mundi querunt, non cœli. Lumen quippe illis deest ad rerum divinarum notitiam necessarium; quia eas nunquam, vel raro & obiter meditantur, unde fit, ut de bonis æternis parum solliciti in vanitate sensu sicut ambulent, (Ephes. 4: 17.) sicut ait Apostolus, alienati à vita Dei per ignorantiam. Quod magis enim proficit homo in prudentia carius, cō magis ignorat, quæ Dei sunt: tantumque detrahitur Divino amori, quantum impenditur creaturis.

§. XXXV.

Quam perniciosum sit falsas rerum ideas mente concipere.

Sapiens est, qui suis momentis ponderat res, & aestimat pro ut sunt, non sicut praedicanter & aestimantur ab hominibus. Quælibet enim res duas velut facies habet, unam veram, alteram fucatam, & apparentem. Vera est, quæ divinis rationibus, & ideae in mente Dei existenti conformis est: altera secundum ideas, & affectus hominum, & secundum pravas amoris propriæ præscriptiones efformatur. Sic Episcopatus, ut hoc utar exemplo, secundum veram & divinam ideam, est onus Angelicis humeris formidandum, & servitus quâ tenetur Episcopus animarum saluti consulere ad præscriptum Divinarum, & Apostolicarum institutionum, strictissimam de illis rationem Deo redditurus in die judicii. In idea autem hominum Episcopatus est dignitas, ad quam qui promovetur, gradum compicuum in Ecclesia obtinet, divitias adipiscitur, & ab omnibus honoratur. Unde fit, ut, qui Episcopatum respicit secundum veram ideam, timeat, fugiat, & oblatum constanter recusat: qui vero ipsum desiderat, & omni conatu consequi nititur, falsas hominum ideas in mente habet, se ipsum querens, non Deum. Idem de aliis gradibus & dignitatibus tam Ecclesiasticis, quam mundanis dicendum est: atque hinc

oritur totius orbis omniumqne ordinum perversitas & perturbatio, quod veras rerum ideas, & definitiones plerique ignorant, & hujus mundi tenebris, ac præstigijs assueti veritatem oderunt, nec idonei sunt ad Divinum lumen recipiendum, quod non nisi mundis corde communicatur. Vocabula usurpantur heroicis Sanctorum virtutibus, Christique Sanguine consecrata; & hi quidem Episcopi, illi Sacerdotes, aut Diaconi, quidam Monachi, & Religiosi, alii Reges, & Principes, & judices populi; omnes autem Christiani nuncupantur: sed quale sit horum nominum pretium, quæ vis, & significatio, quibus virtutibus excellere debeant qui in prædictis gradibus sunt constituti, quæ singulorum idea sit, quæ leges, quæ officia, quæ definitio, nemo scit, nemo investigat; rebusque neglegētis sola remansit titulorum maiestas, & rerum umbra, ac inanis imago. Nemo se talem exhibit, qualis dicitur, nemo sequitur Christi vestigia. Hoc autem malum operatur in nobis amor sui, vitium pessimum & subtilissimum, quod vix peritissimi agnoscunt, vix sanctissimi vincunt. Bona vero & mala hujus vitæ, si veras eorum ideas respiciamus, vix ullum discriben admittunt, utraque enim vana sunt, & momentanea, & quasi nihilum computantur. Ideo David vir secundum cor Dei solam æternitatem mente versabat dicens, Cogitavi dies antiquos, & annos eternos in mente habui (Psal. 76: 6.) Et Filius ejus Salomon omnium mortalium sapientissimus recensit omnibus tam bonis, quam malis hujus vitæ exclamat, & concludit: Vanitas vanitatum, & omnia vanitas. (Eccl. 1: 2.)

§. XXXVI.

Tria Christiano necessaria, ut sibi attendat, ut tempus bene expedit, ut recte utatur Sacramentis.

Fidelitatem quam Deo debemus tria præcipue sunt necessaria. Primum est jugis attentio ad nos ipsos & ad ea, quæ operamur, cuius defectu a recto tramite aberrantes per invia & aspera proficiemus, nostramque felicitatem querimus ubi non est, & si ab alio ostendatur, non credimus. Usu rationis homo à feris, fide ab infidelibus distinguitur. Cum ergo temere, for-

I dide,



dide, inconsideratè, ventris vel gloriæ causâ, & cum impetu aliquid agit, perit hominis officium, & ad feras declinat. Cum verò propter se, & sua commoda ad agendum movetur, cum infidelibus computatur. Sicut artem perficiunt opera, quæ secundum artis præscriptum fiunt: ita hominem fortem, justum, modestum, prudentem faciunt opera, quæ fortiter, justè, modestè, prudenter fiunt.

Secundum est bonus temporis usus, à cuius momento pendet æternitas. Monent Philosophi, solam rerum salubrium notitiam viro sapienti non sufficere, sed studium etiam necessarium esse, nec permittendum, ut ulla exercitiae virtutis occasio elabatur. Volat enim irrevocabile tempus, & quod inutiliter transfigitur, nemo restituere potest. Volat tempus, & non advertit insipiens quid amittat. Juvat nimurum confabulari, & genio indulgere, donec transeat dies: & sic teritur tempus acceptabile, sic dies, & horæ prætereunt, quas ad veniam obtainendam, ad acquirendam gratiam, ad promerendam gloriam misericors Deus indulget. Quod si de verbo otioso, quod nullam scilicet rationabilem causam habet, rationem reddituri sumus, quanto magis de tempore inutiliter transfacto?

Tertium est rectus usus Sacramentorum Pœnitentia & Eucharistia, ex quorum frequentia parum proficimus, quia frigidè, ac sine prævia dispositione ad ea accedimus. Proprii verò illorum fructus sunt, si ex pœnitentia crescit in nobis humilitas, & amor propriæ abjectionis: ex Eucharistia suavitas, & mansuetudo erga proximum, & amor erga Deum. Sicut avarus diù noctuque divitias inhians, nihil cogitat nisi lucrum & pecuniam: ità qui sibi hæc Sacraenta suscipi, sicut oportet, semper ad Deum anhelat, nec aliud potest sine ingenti molestia cogitare. Vite perfectæ fundamentum hoc est, omnimoda abstractio à rebus omnibus, quæ Deus non sunt.

§. XXXVII.

Pœnitentiam omnibus Christianis necessariam esse.

OMNIS Christianus sic vivere, sic mori debet, ut continuo luctu, & squalore ostendat, se pœnitentem esse, qui pro peccatis commissis satisfacere satagit, & ab omni labore purgari.

Hoc initium fuit, hæc summa Evangelicæ prædications, Fuit Ioannes in deserto baptizans, & prædicans baptismum pœnitentie in remissionem peccatorum. (Mar. 1: 4.) Ipse met Jesus, Dux & legifer noster, cum se primùm hominibus manifestavat, Venit in Galilæam prædicans Evangelium regni Dei, & dicens quoniam impletum est tempus, & appropinquavit regnum Dei: pœnitentia, & credite Evangelio (ib. 14.) Et alius Evangelista ait, caput Jesus prædicare & dicere, pœnitentiam agere: appropinquavit enim regnum cœlorum. (Matt. 4: 17.) Præmissa est pœnitentia, tanquam dispositio ad suscipiendum Evangelium, ut anima ab omnibus macula emundata idonea fieret ad gratiam Dei recipiendam, quæ in malevolam animam non intrat, nec habitat in corpore subditio peccatis. Sacrificium placabile & Deo gratum est, cum homo respicens se delinquisse facetur, & agnoscens iniuriam suam, veniam contrito corde à Deo postulat quem offendit. Hoc maximum peccati malum est contemptus Dei, nam qui peccat, Deum spernit & odit: cuius flagitia & perversitatis causa est defectus Fidei & considerationis. Quis enim tanta dementia & temeritatis foret, ut legem Dei violare & transgredi auderet, si verè crederet & intelligeret, quid sit Deus, & quid sit ipsum offendere, cuius summa bonitas, infinita potentia, & tremenda maiestas? Ad hanc abyssum profundissimam miseriarum nos culpa originalis dejecit, ut secreta quadam aversione, velut insani, fugiamus à Deo, ipsoque derelicto, in quo sunt omnia bona, volutemur in coeno, fluxis & fucatis bonis adhærentes, vel quia latet veritas, vel quia compellit infirmitas. Quanta sit autem, & quam deplorabilis hæc cœcitas, nemo comprehendere potest, nisi attentiùs meditetur, tantam esse peccati malitiam, ut sola unigeniti Filii Dei acerbissima passione & morte expiari potuerit. Si igitur hoc verè credimus, si peccata nostra, eorumque gravitatem perpendimus, ira dies nostri cum dolore & moerore transfigendi sunt, ut ostendamus, nos veluti reos esse, qui omni momento fuisse damnationis sententiam præstolantur. Facile omne peccatum à Deo condonatur, cum pœnitentia, & meliori vita corrigitur.

§. XXXVIII.

§. XXXVIII.

Signa, & fructus vera pœnitentia.

Nunquam poterunt evitari peccata, nisi sit in anima ingens eorum horror, & cedium: nec diurna erunt opera pœnitentiae, nisi sit in anima ardens desiderium acquirendæ perfectionis. Ad Sacramentum autem pœnitentiae nunquam accedendum est, nisi præter contritionem, & voluntatem non amplius peccandi, aliquid semper speciale peccatum, præcisis omnibus ejus occasionibus, deponatur. Et hoc erit præcipuum confessionum emolumenitum, facere fructus dignos pœnitentiae, omnem scilicet Dei offendam detestari, tremendum ejus judicium per horrescere, seipsum cum rubore & confusione arguere, ad omnem satisfactionem se paratum exhibere, omnem appetitum Divinæ legi contrarium coercere, omnia peccandi pericula evitare, humilitatem suique contemptum libenter amplecti, conscientiam suam frequenter discutere, & omnes ejus sinus ac latebras diligenter perscrutari, eradicare, destruere, evellere ab anima quod pravum est, tum in ea serere, plantare, ædificare quod sanctum & perfectum est. Qui hoc spiritu imbutus est, peccata sua ante oculos habet, aliena post tergum: de suis dolet, aliena non respicit: sua castigat, aliena excusat. Pericula timet, in quibus versatur, quæ multa sunt & assiduâ observatione præcavenda. Semper enim ad malum impellunt arcta societas & inevitabilis neceſſitudo cum rebus, & personis, quæ ad peccandum alliciunt, habitus vitiosi dum contracti, & proclivitas ad lapsum, quæ multò major est, quam homines communiter credant, nam cum naturæ congenita sit, se blandè, ac fraudulenter in animum infinuat, rationis debile lumen obscurat, ipsamque conscientiam suffocat & sopit, ne ullo peccati sensu tangatur: atque ita sit, ut multa quotidiè perpetrentur, quorum sensum adimit affectus, qui in ipso præcipitat, & notitiam eorum tollit ipse usus malorum. Hoc videlicet habet infelix confuetudo peccandi, ut, quanto amplius quisque delinquit, eo magis mentis intuitus obscuretur.

§. XXXIX.

Peccata leviora, & vita quomodo corrigi & extirpari debeant.

Pecata leviora, quæ venialia dicuntur, quæm faciliè perpetrantur? Nemo tamen ignorat hæc levia non esse, quæ Deum magnum offendunt, ac propterea aerbisissimis penitentiis in altera vita expianda sunt. Quia vero ab his omnibus sine speciali Dei gratia nemo potest abstinere, omni saltem conatu entendum est, ut eorum numerus quotidie minuatur, & unumquodque contrarie virtutis studio suggillat exterminetur. Sicut graffante pestilentia non solum homines lue infecti, sed illorum quoque supellex, & quidquid ad illos spectat, sollicitè evitantur, ne alios pestilenti morbo inficiant: ita cum agitur de peccatis tametsi levioribus, non ipsa solum timere & fugere oportet: sed quidquid ad illa inducit, vel ex eis oritur, ne mortiferum virus in incautos spargant. Omni ferè momento subtilissime sese insinuant diversæ occasionses curiositatis, loquacitatis, scurrilitatis, iræ, contentionis, impatientiae, evagationis, & aliarum ejusdem generis culparum & imperfectionum; & quia istæ nedum evitari, sed vix percipi possunt, hoc omnino curandum est, ut saltem ex animo omnis erga illas affectus, nequidquam reluctante naturâ, evellatur: alioquin permanente erga illas affectu, nec emendari unquam poterunt, nec remitti, et si centies Ecclesiæ clavis in Sacramento pœnitentiae subjiciantur. Scio quidem, de his levioribus noxis scriptum esse, *Septies cadit justus*: verumtamen ipse vir justus sic vivit, ut in eas nunquam labatur, nisi ex fragilitate, vel subreptione. Quod vero attinet ad vitia, qui cupiditate radicibus extirpare, debet in primis cum pravus motus excitatur, ipsum coercere, tum actum contrarie virtutis elicere: ut, si quis injuriâ afficiatur, primò quidem irâ motum frenabit, tum actum elicit patientiae & humilitatis, gaudens se pati quod meretur, idque saepius sibi contingere optabit: mox illum sincerè diligit, qui contumeliam irrogavit, eique alacriter beneficium rependere paratus erit, quoties sese occasio obtulerit; neque enim sufficit declinare à malo, nisi quis studeat & bene operari; nec servus bene mereri de-

domino suo censendus est, quia nec verbera illici, nec contumelias infert, nisi quoque fideliter illi serviat, & iussis ejus exacte obtemperet. Et in hoc multi falluntur, qui salutem suam in tuto positam arbitrantur, quia putant se nihil mali operari, omittentes interim, quae officii sui sunt, & virtutis studium negligentes: Declina a malo, ait psalmus & fac bonum (Ps. 36: 27.) utrumque enim necessarium est, & mala non perpetrare, & quae ad munus proprium spectant, non omittere.

§. X L.

Viros Ecclesiasticos & Religiosos strictius teneri ad perfectionem.

Quamvis norma, & institutio Christianae perfectionis universis Christi fidelibus tradita sit, non solis Religiosis, ut supra ostendimus, nemo tamen iniciari potest, quin strictius ad eam teneantur, qui se voto solemnii vel in Religione approbata, vel in statu Clericali Domino consecrarent. In his siquidem statibus constituti non solum seipso sanctificare, sed reliquos quoq; fideles verbo & exemplo instruere, illuminare, & ad salutem perducere debent. Nihil in hoc negligendum, nam prava remissio maxima iactura est. Ideo ita eos vivere, ita virtutibus incumbere oportet, ita cum ceteris hominibus se gerere, ut ab eorum colloquio & confortio revertantur percutientes pectora sua, & dicentes, verè Filii Dei sunt isti. Sicut vir religiosus cuiuscumque dominii fe incapacem fatetur op votum paupertatis: ita judicare debet, appetitum suum & voluntatem non esse in sua potestate propter votum obedientiae, nec illis posse pro suo arbitrio utille autem verè pauper & obediens censemur, qui se rebus omnibus etiam ad vitam necessariis libenter, & læto animo exuit, qui ad omnem Superioris nutum, sive grata, sive molesta præcipiat, semper obedire paratus est. At è contrario qui ob rerum penuriam tœdio afficitur, & murmurat, qui mandatis invitatus paret, religiosus non est. Neque enim in alio, ut ita dicam, elemento vivere debet, quam in sui contemptu & abjectione, rerumque omnium abdicatione, ut Christo conformis sit, qui nihil possidens in hoc mundo factus est Patri obediens usque ad mortem. Quid prodest Christi

Domini, Sanctorumque gesta legere, & celebrare, si ea sic legimus & laudamus, ac si ad nos nullo modo pertinerent? Hæc nobis proposita sunt, ut ad eorum normam & typum vitam nostram instituamus. Nihil Religioso perniciosius, quam securitas, & libertas, cum omnia ei ad nutum eveniunt, omnia fiunt prout vult. Dicebat quidam vir sanctus, nullum esse religiosum in Cœlis, qui non fuerit martyr in terris: vita quippè religiosi ad præscriptum suæ Regulæ stricte viventis incurvantem martyrium est. Causa verò potissimum, ob quam plerique in Religione irregulariter vivunt, ex defectu considerationis oritur, quia nec perpendunt, nec penetrant, quanta sit Statu religiosi sublimitas, & quam noxia sit omnis vel minima regularis disciplina relaxatio. Hinc verò paulatim provenit propriæ vocationis oblivio, orationis, atque aliarum exercitationum omisso, tum variis subtilitatibus & argumentis, quæ à proprio amore suggestur, disciplinæ contemptum excusare nituntur: & quia interiori spiritu suavitate destituti sunt, solitum foris querunt à creaturis. Pauci sunt, qui in simplicitate cordis sui per spinosa crucis itinera Christum sequantur. Turba verò errantium maxima est, unde licitum quodammodo fit, quod plerique faciunt. Cavendum igitur, ne multorum exempla nos perdant, desperatae enim dementia est, hominem tepidum & imperfectum in eo statu securè vivere, in quo viri sancti caute incidentes vix tramitem tenuerunt.

§. X L I.

Religiosi sue vocationis immemores describuntur.

Non consistit Spiritus religiosus in exteriori specie, & in habitu ac corporis compositione; sed in spiritu humilitatis, & in interiori cum Deo occupatione. Quia vero infirmitas humanæ naturæ eundem semper rigorem servari non patitur, hinc fit, ut semim defluat, & ad propria commoda quærenda ruat: ex quo sequitur, ut omnis religio quantumvis optimè instituta, à primæva puritate & fervore recedens, per quosdam vix perceptibiles gradus ad humanum & politicum vivendi modum dilabatur. Ideo plures tam religiosi quam clerici omnino facti sunt, habitu quidem Ecclesiastici, moribus



moribus autem deteriores, quam filii hujus saeculi. Toti sunt in apparatu verborum & cærenioniis, in procurandis dignitatibus, in aucupanda magnatum benevolentia, in cumulandis divitiis. Mille habent diverticula, ut suos distortos fines consequantur, & publico Ecclesiae bono privatas utilitates anteponant. Habitantes in domo Dei, patri cælesti prorsus degeneres, & servi Dei dicuntur, cujus mandatis non obediunt. Vitam ducunt omni solicitudine vacuam, de Christi patrimonio viventes, atque amplis redditibus dotati sunt, ut Deo & Ecclesiae deferviant: nihil tamen totius anni decursu agunt, quod unius diei alimoniam mereatur. Nunquam desunt illis verba, ut totâ die inutiliter cum hominibus sermones miscent: muta verò fit lingua; deficit sermo, ut vel modico tempore de Deo, vel cum Deo loquantur. Alii verò sunt, qui aversi à propria vocatione, in qua permanendum esse Apostolus monet, ad alium statum quasi perfectiorem aspirant; cumque mores mutare deberint, hanc mutationem differunt, donec sint in alio loco, ad quem nunquam pervenient. Somnia vigilantium ista sunt, & subtilissima diaboli tentatio, nam celum non animum mutant, qui per loca diversa vagantur. Difficile est, ut in alio loco laudabiliter vivat, qui se, & sua via secum portat.

§. X L I I .

Oportere Religiosum à mundo alienum esse.

Tunc Religiosus sperare poterit, se initium aliquod perfectionis habere, cum ipsum homines oderint & despixerint. Unusquisque enim sibi dissimiles odit, & Christus Discipulis suis dixit; *Si de mundo essetis, mundus quod suum erat diligenter: quia vero de mundo non esatis, sed ego elegi vos de mundo, propterea odis vos mundus* (Ioan. 15: 19.) Quod si religiosus de mundo non est, ita vitam in Monasterio instituire debet, ut modo vivendi ostendat, se statum penitentiæ profiteri ad expianda peccata, quae olim in mundo perpetravit. Quò magis autem à mundi actibus alienus fuerit, eo citius ad apicem perfectionis perveniet: & quò minus inter gentes versabitur, eo majori pace, & animi libertate fruetur. Facilè transit ad plures, & pravorum exempla sensim bonos ad similia dis-

ponunt. *Committi sunt inter gentes, & didicerunt opera eorum, & servierunt sculptilibus eorum (Ps. 105: 35.) & facti sunt sicut populus, ita & Sacerdos (Ist. 24: 2.)* Nimia quoque familiaritas, & afflida cum hominibus consuetudo fastidium gignit, occulta vita detegit, contemptum parit, & fervorem devotionis extinguit. Nemo mittens manum suam ad aratum, & respiciens retrò, aptus est regno Dei (Luc. 9: 62.)

§. X L I I I .

Arguuntur qui regimen animarum ambient.

Magna temeritas Ecclesiasticorum est, qui, cum viribus careant ad onus pastorale ferendum, illud tamen anxie querunt, & se illi sponte subiiciunt, non vocati à Deo, sed spiritu elationis impulsi; non ut gregem pascant, sed ut ipsi pascantur; non ut regant, sed ut dominentur. Res planè horribilis ac deplorandata est, quod regimen animarum plurimi ambient, sed nemo considerat, quāti momenti sit fidei jussore Deo esse pro animabus Christi sanguine redemptis; atque onus accipere usque ad cceli valvas portandum sub pena æternæ damnationis, si illud culpabiliter excutiant. Ut autem suæ superbiæ velamen obtendant, libenter arripiunt quod ait Apostolus, *Qui Episcopatum desiderat bonum opus desiderat* (1. Tim. 3: 1.) nec tamen advertunt, quod laudato desiderio id, quod laudaverat, in terrorem protinus vertit subdens, *oportet autem Episcopum irreprehensibilem esse, sobrium, prudentem, ornatum, pudicum, hospitalem, doctorem, modestum.* Et quod est tantâ prædictus sanctitate, ut possit se in omnibus irreprehensibilem exhibere? Merito igitur Pastorale officium ars artium dicitur, & onus Angelicis humeris formidandum. Quantum enim judicii requiritur ad regendos homines, quorum mira diversitas, incredibilis inconstans, nulla sinceritas? Quantum lumen ad occulta cordium penetranda, quod Dei proprium est, & ad intentiones discernendas? Quantum prudentiæ ad diversorum propensiones dignoscendas: quantum diligentia, ut abstrahatur anima à peccato: quantum industria ad obstantum temptationibus: quantum solertia ad avertendas malorum occasiones: quantum scientia ad moderandam conscientiam:

quantum fortitudinis ad coercendos peccatores: quantum virtutis ad resistendum adversarios: quantum patientiae in tolerandis imperfectionis: quantum constantiae in bonis promovendis: quantum denique habilitatis ad omnia iustitiae munera exercenda? Hæc omnia sine speciali Dei gratia vix possunt in uno homine reperiri: ac proinde animarum cura sine manifesta Dei vocatione acceptanda non est: tum diu considerandum, quid valent humeri, quid ferre recusat. Non debet præfesse, qui non potest prodeſſe.

§. XLIV.

*Omnibus Christianis necessariam esse
Orationem.*

Tanta est necessitas Orationis, ut fidei dogma sit, neminem sine illa Salutem confundere qui posse. Quis enim potest Deum vocantem sequi, nisi dono gratiae adjuvetur; ejus autem auxilium quis potest sine oratione promerer? Idcirco docet Scriptura, portare semper & sine intermissione orare (*Luc. 18: 1. 1. Theſſ. 5: 17.*) quia semper & in omnibus auxilio Dei indigemus. Semper autem orat, qui certa orandi tempora nullo unquam die prætermittit. Semper orat, qui omnia quæcumque agit purissima intentione ad Deum referit; oratio enim nihil aliud est, quam elevatio mentis in Deum. Semper orat, qui efficax orandi desiderium in corde jugiter conservat, nam ipsum desiderium oratio est. Bene orat qui bene vivit. Nemo vitiosus, nemo impius, nemo desertor fuit, qui non prius omne orandi studium abjecerit. Oratio canalis est, per quem fluit in animam rivuli Divinæ gratiæ: ea deficiente arescit anima, & sensim periret. Nec sufficit aliquot preces voce tantum absque ulla attentione, & reverentiâ, ut plerique faciunt, persolvere: nam de his conqueritur Deus dicens, *Populus hic labiis me honorat, cor autem eorum longè est à me* (*Isai. 29: 13. Matth. 15: 8.*) Et qui sic orat, non evadet Prophætæ comminationem, canentis, *Oratio ejus fiat in peccatum* (*Pſal. 108: 7.*) Mendacia sunt, & inania verba, cum quis scelus operatur, & psallit Deo, *Iniquitatem odio habui, & abominatus sum* (*Pſal. 118: 1*) Totus in patinis est, & dicit, *Oblitus sum comedere panem meum* (*Pſ. 101: 5.*) ridet tota die, vanisque gaudiis dissipit, & ait, *Fuerunt mihi laetymæ meæ panes die ac nocte* (*Pſal. 41: 4.*)

Mandatis Dei non paret, & psallit, *Maledicti qui declinant à mandatis tuis* (*Pſ. 118.*) Execrabilis sunt hujusmodi orationes, iram Dei erga orantem provocant, & duris suppliciis castigari merentur. Nemo autem Christiani nomine dignus est, nisi saltem bis in die, mane cum surgit & vespere antequam cubitum eat, mentem ad Deum elever, & aliquo spatio temporis ferventer oret, ut tantumdem diei reficiendæ anime tribuatur, quantum corpori nutriendo impenditur. Nec unquam dimittenda, aut diminuenda oratio, quamvis aridi in ea, & omni consolatione, ac spiritali suavitate qui orat deficitus sit: vera enim devotio & solida animi iucunditas non in fervoris affluentia, non in sensibili dulcedine, non in mollibus quibusdam affectibus, & lacrymis consistit; nam etiam Turcae, & alii infideles in suis precibus & sacrificiis hæc interdum experuntur; sed in prompta voluntate serviendi Deo, & à peccatis abstinendi. Quæ Dei sunt non leni, sed solâ fide percipiuntur.

§. XLV.

Quæ dispositio ad orandum requiratur.

Multi sunt qui methodum & regulas perquirunt, quibus discant orare Deum, ac si oratio veluti ars quedam & opificium foret, quod certis quibusdam legibus contineretur. Non damno præcepta orandi à sanctis & pii viris præscripta, sed sola non sufficiunt, nisi adsit continua cordis & sensuum custodia, si ne quâ Spiritus orationis haberi non potest. Cor enim totâ die dispersum & dissipatum, & in vanis hominum fabulationibus occupatum, quomodo poterit in oratione ad Deum accedere, & de maximo salutis negotio cum illo age-re? Magna hæc hominum illusio est existimatum, se posse brevissimo horæ intervallo rem homini terreno difficillimam peragere, à qua totâ die alieni fuerunt, & de qua antea nec quidem cogitarunt. Oratio mentem requirit puram, & à rerum terrenarum imaginibus liberam, ut foli Deo vacare possit. Nulla ad eam magis idonea dispositio, quam integras vitæ, & morum innocentia. Qui ejus studio incumbere & in eo progredi cupit, tanti debet cœlestia æstimare, ut terrenis veluti mortuus sit, nullumque in eis solatium inveniat. Bona est oratio, quam fides & humilitas comitantur.

§. XLVI.

§. XLVI.

Cur multi ex oratione nihil proficiant.

PAUCI sunt, qui ex oratione, & meditatione fructum percipient, quia rebus, quas meditantur, contrariam dispositionem, & sensum habent; nec se offerunt Deo tanquam victimam, & holocaustum ad omne ejus beneplacitum perficiendum. Ipsum quidem precantur, ut eos doceat cognoscere & facere voluntatem suam; sed nihilominus contra Dei voluntatem multa operari non cessant, quia duplicitis cordis sunt; unum Deo expandunt in oratione; alterum sibi reservant, nec dicunt cum Propheta, *In toto corde meo exquisiri te* (Ps. 118.) Alii spiritu curiositatis & superbiae impulsi sublimioribus speculationibus occupantur, quae ad vitia cognoscenda & eradicanda parum vel nihil confringunt, & si aliquando voluntatem excitant ad gemitus & suspiria, ea tamen suavitate statim evanescente impatiens remanent, sui consilii tenaces, refractarii, ac iisdem semper virtutis irretiti. Atque hinc sit, ut repentinæ conversiones ex vehementi commotione provenientes ut plurimum non durent, quia cessante illâ vi, quæ voluntatem quodammodo rapuit, ipsa quoque motio definit, & homo ad vitia, quibus alluevit, relabitur. Alii instinctu propriæ delectationis ad orationem accedunt tanquam ad fontem suavitatis, non Deum sed se ipsum querentes, ut spiritualis dulcedinis ubertate reficiantur. Alii orationis emolumentum ex veri & falsi notione metiuntur, & hi omnino sibi imponunt, quia multa discere in oratione & nihil operari magna diaboli deceptio est. Nihil homini prodest oratio, quamvis ad cœlum rapiatur, & audiat arcana verba, quæ non licet homini loqui, nisi ex uno spiritu mundi sentiat in se augeri promptam erga Deum voluntatem. Bene orat, qui nihil scire, nihil habere desiderat, nisi Christum & hunc crucifixum.

§. XLVII.

Nunquam studium orationis omittendum.

EROR communis est, meditationem rem difficillimam esse, cum tamen nemo sit, qui non quotidiè meditetur. Quid est enim medita-

ri, nisi rem aliquam mente revolvere? Hoc autem continuo facimus à mane usque ad vesperram; sed ut plurimum noxia & vana meditamur. Cur igitur mysteria Fidei, & quæ salutis nostræ sunt, non meditamur? His jugiter occupari mens nostra facilissime posset, si eam avertire à rerum terrenarum curis conaremus. Hac de causa ad orationis studium inepti sumus, quia sensibus mori, & Christi crucem atque ignominiam amplecti nolumus. Sæpè etiam orationem omittimus, ut bonis operibus extrinsecus incumbamus, ex quibus nullus vel exiguis provenit fructus, quia lumine destituimur ad bene agendum necessario, quod non nisi in oratione precipitur, & illa peragimus extra ordinem supernæ gratiæ, nostro potius, quam divino impulsu. Maximus autem error est interiora propter exteriora negligere. Sicut corpus quotidiana destitutum alimonias paulatim deficit, & perit: ita languet anima, ac veluti exanimis fit, nisi oratione, quæ cibus ipsius est, singulis diebus nutritur. Cibo autem indiget eō frequentiori, quò plura ad majora habet contraria, quam corpus. Ipsam enim tum ea omnia per confusum vexant, quæ corpori molesta sunt, frigus, æstus, ægritudo, famæ, sitis, & alia ejusdem generis: tum corpus ipsum, & sensus, concupiscentia, dæmon, & mundus. Cum autem oramus, Deum querere & invocare debemus in penetralibus animæ, in interiori homine, in quo ipse habitat, sicut in templo suo. Quare verba sonantia ad orandum necessaria non sunt, sed in spiritu & veritate Deum orare, & adorare oportet. Conceptis verbis preces effundere illis neceſſe est, qui neficiunt in abdito mentis cum Deo loqui, & ea quibus indigent proprio sermone exprimere. Publicæ item Ecclesiæ preces voce, & cantu promuntur, ut audiant fideles, & ædificantur, votisque consentientibus eleventur in Deum. Ceterum templum Dei & locus orationis nos ipsi sumus, & regnum Dei intrâ nos est.

§. XLVIII.

Conditiones bone Orationis.

UT perfecta sit oratio, quâ aliquid à Deo petimus, debet orans folius Dei amore ad id quod postulat excitari. Quamvis enim res ipsa bona & amabilis sit, tutius tamen & perfectius est eam petere, & amare, quia Deus vult, ne sub yclo bonitatis rei, lateat pernicioſus

ciosus amor sui. Basis orationis Fides viva est, & præsentia Dei, ad quem accedendum cum simplicitate, sicut infans ad ubera matris fertur nihil discernens. Qui, dum orat, se orare considerat, non est perfectè attenus orationi, mentem enim & intentionem à Deo divertit, quem orat, ut attendat orationi, quā orat. Et sic sœpe contingit, ut incidat in distractiones, cum eas nititur evitare. Ideo in oratione valde commendatur simplicitas, quācunque alienā consideratione sublatā, ferventius siquidem orat, qui necit se orare, soli Deo attēndens quem orat. Nulli autem evagatori obnoxia mens erit, qua Deum semper præsentem habuerit. Nam quō evagari poterit, quae se totam in oceanum immenſe Divinitatis immerserit? Quocumque se vertat, inde numquam emerget. Quod si Deo permittente multæ contingent distractiones, non erit oranti inutiles oratio sua, si in illis expellendis strenuè dimicaverit. Aderit Deus decertantibus, quamvis procul videatur abesse. Facilius tamen vincuntur avertendo ab eis mentem, easque spernendo, quam contra pugnando: cā enim pugnā sœpe fit, ut fortius animo imprimantur, & magis infestæ sint. Oratio arida, & expers omnis consolationis è o gratiæ est Deo, quō minus grata naturæ est.

S. X L I X. Gratia, & modus Orationis duplex.

Sicut viatores, dum iter agunt, semper locum ita qui orant, ad finem orationis, qui est unio cum Deo, animi intentionem indesinenter dirigere debent, eo sibi præfixo scopo, ut sublatis impedimentis ad eam unionem disponantur. Inanis est orantium labor, si aliud in oratione exquirunt. Cum vero duplex sit oratio, una communis, quæ conatu & industriâ nostrâ sit, præveniente tamen, & cooperante gratiâ Dei, nemo enim, ut docet Apostolus (1. Cor. 12: 5.) potest dicere Dominus Jesus, nisi in Spiritu sancto: altera singularis & infusa, quæ non est in potestate nostra, sed à Deo infunditur, quibus & quando vult; utraque sane desiderari, & peti ab illo potest, qui facit nos quærere ut inveniamus, petere ut accipiamus, pulsare ut aperiatur nobis, soli tamen meditationi modo communi, & consueto vacandum est, nisi quis Divinâ inspiratio ne, & vocatione ad altius orationis gœu eleve-

tur. Gratia autem meditationis nihil aliud est, quam facilitas mentem ad Deum elevandi, sanctos affectus concipiendi, & effundendi cor suum ante conspectum Domini Dei sui. Hanc Deus humilibus largiri solet, qui non confidunt in virtute sua, ejusque opem implorant, ut à quo datur orandi præceptum, ab ipso petatur auxilium, quia omne datum optimum, & omne donum perfectum deservit descendens à patre luminum. Ideo incipienda est oratio à confessione nostræ impotentiae, & fragilitatis, à detestatione peccatorum, quia iustus initio orationis accusator est sui, & à rectitudine intentionis, nullo sibi proposito fine, nisi adimplenda Divinæ voluntatis, de qua dicit Apostolus, *Hæc est voluntas Dei sanctificatio vestra* (1. Thess. 4: 3.) Qui aliter orat, Divinæ misericordiæ ostium contra se claudit.

§. L.

Fons Omnia bonorum oratio.

Quod de Sapientia scriptum est, hoc verè de oratione dici potest: *Super salutem, & speciem dillexi illam, & proposui pro luce habere illum: quoniam inextinguibile est lumen illius. Venirent autem mihi omnia bona pariter cum illa, & innumerabilis honestas per manus illius, & letatus sum in omnibus, quoniam antecedebat me ista, & ignorabam, quoniam horum omnium mater est. Infinitus enim thesaurus est hominibus: quo qui isti sunt, participes facti sunt amicitie Dii.* (Sap. 7.) Oratio quippe ipsa gratia est, virtutum patens, mentis illuminatio, merentium consolatio, lætantium jucunditas, cibus animæ omniumque bonorum origo, & cibologia. Hæc iram Dei placat, veniam peccatorum impetrat, expellit vitia, liberat à periculis, & Divini amoris in nobis ignem accedit. In ea omnium virtutum actus exercetur. Prima verò ante omnes occurrit Fides, nemo enim oraret, nisi crederet Deum esse præsentem, & preces clamantium ad se audire, easque posse, & velle, si iuste petimus, exaudire. Spes erigitur, quia maximam in Dei ope, & misericordia fiduciam habemus. Charitas excitatur Divine bonitatis consideratione, quæ urget nos ad ipsum super omnia diligendum. Per eam discimus adimplere omnem iustitiam, & justorum prudentiâ omnia pendere. Fortitudo exercetur, quia orans firmiter statuit servire Deo, & pro ejus amore aduersa



adversa omnia tolerare. Temperantiae actus eliciuntur, quia mens orantis à terrenis & corporis abhorrens, coeli delitias degustat. Dona quoque Spiritus sancti vim suam exerunt, quia intellectus de æternis illuminatur, Dei sapientia fruatur, ipsique Deo appropinquans omnes creaturas scientias dono pro nihilo habet: tum luce ube-

riori perfusus in rerum agendarum dispositione per donum consilii non fallitur: ad orandum pro aliis pietate impellitur; Divinae Majestatis celitudine apprehensæ ejus timorem concipit, & ad multa pro Christo toleranda fortitudine robatur. Multis ergo virtutibus fulget, qui multum orationi incumbit.

P A R S I I.

De moderandis animi affectionibus, & de studio virtutum.

§. I.

Quærenda veritas, fugienda vanitas.

Veritatem omnes desiderant, omnes commendant, sed ubi ea sit, pauci cognoscunt: nam si scirent ubi esset, nihil amplius quererent, nihil præter illam amarent. Et quidem in rebus mortaliibus eam non esse evidens est. Quidquid enim in aliquo loco est, nullo modo permanere potest, si illud, in quo est, non permaneat: mortalia autem esse definit, quia intereunt, ac propterea in illis non est veritas. Quærenda igitur est in rebus immortalibus, quæ verè sunt, & in æternum futuræ sunt: quærenda in virtute, quæ nihil aliud est, quam æqualitas vita in omnibus veritatibus consentiens, exclusa vanitate, & rerum pereuntium cohibito appetitu. Veritatem enim congruit homo, cum animi motus ratio regit, & spiritus Dei in eo dominatur. Quod si cupiditatum tyranico imperio subdit, à veritate in vanitatem defluit, & variis, ac contrariis perturbationibus agitatur, hinc timore, inde desiderio, hinc anxietate, inde inani lætitia; hinc rei amissæ dolore, hinc ardore adipiscendi quæ non habet; hinc acceptæ injuriæ cruciatu, inde studio vindicandæ. Hi sunt videlicet omnium malorum fontes, quæ miserrimam animam vexant, vanitas & voluptas. Oriuntur ex vanitate eorum omnium, quæ propriam excellentiam fore possunt, ardentissimum desiderium, magna sui aestimatio, aliorumque contemptus, & averseſio à veritate. Ex voluptate propensio illa procedit, quæ fertur homo ad cibum, & potum, ad ludos, & relaxations, & ad reliqua omnia, quæ corpo-

ri, & spiritui rebus terrenis occupato grata, & jucunda sunt. Hinc evagatio continua, & cordis effusio ad exteriora, quibus anima Deo vacua implire se studens, tota est in nugis & vanitatibus mundi, quærens homines, cum quibus recreetur, & confabuletur, & à quibus laudetur in desideriis, & vanitatibus suis. Hæc vero sunt, quæ homini carnali exosam reddunt Divinam Legem, & Euangelicam perfectionem. Euangelium siquidem nihil magis commendat, quam humilitatem: at natura corrupta semper inclinat ad superbiam. Euangelium prædicat poenitentiam, à qua homo maximè abhorret. Fides igitur est necessaria, quæ docet nos omnem veritatem; & hæc est victoria, quæ vincit mundum, Fides nostra. Filius Dei Patri consubstantialis, ut amorem nostrum à rebus terrenis avellendum esse doceret, fidem prædicationi suæ altissimam virtutum exercitatione conciliavit. Dicitas homines appetunt, pauper esse voluit: honoribus, & imperiis inhiant; abscondit se ne fieret Rex: contumelias intolerabiles esse arbitrantur; omne genus inuriarum sustinuit: calumnias detestantur, innocens damnari voluit. Vita ejus disciplina morum fuit, nec ullum à nobis peccatum committi potest, nisi cum appetimus quæ ille contempsit; aut ea fugimus, quæ ille sustinuit. Stultus igitur est qui vitam beatam in iis positam putat, quæ spernenda esse Christus docuit.

K

§. II.